

文選正文

山子點

十

特 279


301

第六二〇号
十三册内第十一

特279-301



1200501132300



始



Case 279
301

279
301

類總集
屬漢總
冊十三
函十六

文選正文卷之十

檄類

喻巴蜀檄

司馬相如

告巴蜀太守蠻夷自擾不討之日久矣時侵犯邊境勞士大
夫陛下卽位存撫天下安集中國然後典師出兵北征匈奴
畢于飾駭交臂受事屈膝請和康居西域重譯納貢稽顙來
享移師東指關越相誅右弔番禺太子入朝南夷之君西
之長常效貢職不敢僮怠延頸舉踵喁喁然皆嚮風慕義欲
爲臣妾道里遼遠山川阻深不能自致夫不順者已誅而爲
善者未賞故遣中郎將往賓之發巴蜀之士各五百人以奉
幣帛衛使者不然靡有兵革之事戰關之患今聞其乃發軍

物誌

典制驚懼子弟憂患長老郡又擅爲轉粟運輸皆非陛下之意也當行者或亡逃自賊殺亦非人臣之節也夫邊郡之士聞烽舉燧燔皆攝弓而馳荷兵而走流汗相屬唯恐居後觸白刃冒流矢議不反顧計不旋踵人懷怒心如報私讐彼豈樂死惡生非編列之民而與巴蜀異土哉計深慮遠急國家之難而樂盡人臣之道也故有剖符之封析珪而爵位爲迎侯處列東第終則遺顯號於後世傳土地於子孫行事甚思敬居位甚安逸名聲施於無窮功烈著而不滅是以賢人君子肝腦塗中原膏液潤野草而不辭也今秦幣役至南夷自賊殺或亡逃抵誅身死無名謚爲至愚恥及父母爲天下笑人之度量相越豈不遠哉然此非獨行者之罪也父兄之教不先子弟之率不謹寡廉鮮恥而俗不長厚也其被刑戮不亦宜乎陛下患使者有司之若彼悼不肖愚民之如此故遣信使曉喻百姓以發卒之事因數之以不忠死亡之罪讓三老孝悌以不教誨之過方今田時重煩百姓已親見近縣恐遠所谿谷山澤之民不徧聞檄到陛下縣道使咸喻陛下之意無忽

爲袁紹檄豫州

陳琳

左將軍領豫州刺史郡國相守蓋開明主圖危以制變忠臣慮難以立權是以有非常之人然後有非常之事有非常之事然後立非常之功夫非常者故非常人所擬也曩者強秦弱主趙高執柄專制朝權威福由己時人迫脅莫敢正言終

有望夷之敗。祖宗焚滅汴辱至今。永爲世鑒。及錄呂后季年
產祿專政。內兼一軍。外統衆趨。擅斷萬機。決事省禁。下陵上
替。海內寒心。於是絳侯朱虛興兵奮怒。誅夷逆暴。尊立太宗。
故能王道興隆。光明顯融。此則大臣立權之明表也。司空曹
操。祖父中常侍騰。與左宦徐璜並作妖孽。饕餮放橫。傷化虐
民。父嵩乞付。攜養。因賊假位。與金華璧輪。貨權門竊盜。鼎司
領覆重器。操贊。閣遺醜。本無懿德。獠殺鋒。協好亂。樂禍幕府。
董統鷹揚。掃除凶逆。續遇董卓。侵官暴國。於是提劍揮鼓。發
命東夏。收羅英雄。棄瑕取用。故遂與操同謀。合謀授以神師。
謂其鷹犬之才。爪牙可任。至乃愚佻短略。輕進易退。傷夷折
衄。數喪師徒。幕府輒復分兵命銳。修完補輯。表行東郡太守。

領兖州刺史。彼以虜文。獎厥威。惻莫獲秦師。一尅之報。而操
遂承資跋扈。肆行凶忒。割剝元元。殘賢害善。故九江太守邊
讓。英才俊偉。天下知名。直言正色。論不阿諂。身首被梟懸之
誅。妻孥受灰滅之咎。自是士林憤痛。民怨彌重。一夫奮臂。舉
州同聲。故躬破於徐方。地奪於呂布。彷徨東裔。蹈據無所。幕
府惟彊幹弱枝之義。且不登叛人之黨。故復援旌。振甲席卷。
起征。金鼓響振。布衆奔沮。拯其死亡之患。復其方伯之位。則
幕府無德於兖上之民。而有大造於操也。後會鸞駕。反旆羣
虜寇攻。時冀州方有北鄙之警。匪遑離局。故使從事中郎徐
助。就發遣操。使繕修郊廟。翊衛幼主。操便放志。專行脅遷。當
御省禁。卑侮王室。敗法亂紀。坐領三臺。專制朝政。爵賞由心。

刑戮在口所愛光五宗所惡滅三族羣談者受顯誅腹議者蒙隱戮白僚鉗口道路以目尚書記朝會公卿充員品而已故太尉楊彪典歷二司享國極位操因緣毗眦被以非罪榜楚參并五毒備至觸情任忒不顧憲綱又議郎趙彥忠諫直言義有可納是以聖朝含聽改容加飾操欲迷奪時明杜絕言路擅收立殺不俟報聞又梁孝王先帝母昆墳陵尊顯桑梓松柏猶宜肅恭而操帥將吏士親臨發掘破棺裸尸掠取金寶至令聖朝流涕士民傷懷操又特置發丘中郎將摸金校尉所過墮突無骸不露身處三公之位而行桀虜之態汗國虐民毒施人鬼加其細政慘苛科防互設晉繳充蹊坑穿塞路舉手挂網羅動足觸機陷是以交豫有無聊之民帝都

有吁嗟之怨歷觀載籍無道之臣貪殘酷烈於操爲甚幕府方詰外姦未及整訓加緒含容莫可彌縫而操豺狼野心潛包禍謀乃欲摧撓棟梁孤弱漢室除滅忠正專爲梟雄往者伐鼓犯公孫瓚疆寇桀逆拒圍一年操因其未破陰交書命外助王師內相掩襲故引兵造河方舟北濟會其行人發露瓚亦梟夷故使鋒芒挫縮厥圖不果耳乃大軍過蕩西山屠各左校皆束手奉質爭爲前登大牟殘醜消淪山谷於是操師震懼晨夜遁遁屯據敖倉阻河爲固欲以螳螂之斧禦隆車之隧幕府奉漢威靈折衝宇宙長戟百萬胡騎千羣奮中黃育養之士騁良弓勁弩之勢并州越太行青州涉濟澤大軍汎黃河而角其前荊州下宛葉而特其後雷震虎步並集

虜庭若舉炎火以熖飛蓬覆滄海以沃燧炭有何不滅者哉
又操軍更士其可戰者皆出自幽冀或故營部曲咸怨曠思
歸流涕北顧其餘交豫之民及呂布張揚之遺眾覆亡迫脅
權時苟從各被創夷人爲讐敵若廻旆方徂登高岡而擊鼓
吹揚素揮以啓降路必土崩瓦解不俟血刃方今漢室陵遲
綱維弛絕聖朝無一介之輔股肱無折衝之勢方畿之內簡
練之臣皆垂頭搨翼莫所憑恃雖有忠義之佐育於暴虐之
臣焉能展其節又操持部曲精兵七百圍守宮闕外託宿衛
內實拘執懼其篡逆之萌因斯而作此乃忠臣用竭塗地之
秋烈士立功之會可不勗哉操又矯命稱討遣使發兵恐邊
遠州郡過聽給與糧寇弱主違眾旅叛舉以喪名爲天下笑

則明哲不取也即日幽并青冀四州並進書到荆州便勒見
兵與建忠將軍協同聲勢州郡各整戎馬羅落境界舉師揚
威並匡社稷則非常之功於是乎著其得操首者封五千戶
侯賞錢五千萬部曲偏裨將校諸吏降者勿有所問廣宣恩
信班揚符賞布告天下咸使知聖朝有拘偏之難如律令

檄吳將校部曲文

陳琳

年月朔日子尚書令或告江東諸將校部曲及孫權宗親中
外益聞禍福無門惟人所召夫見機而作不處凶危上聖之
明也臨事制變困而能通智者之處也漸漬荒沈往而不反
下愚之蔽也是以大雅君子於安思危以遠咎悔小人臨禍
懷佚以待死亡二者之量不亦殊乎孫權小子未辨菽麥要

領不足以膏齊斧。名字不足以洿簡墨。譬猶穀卵始生。翰毛而便陸梁放肆。顧行吠主。謂爲舟楫。足以距皇威。江湖可以逃靈誅。不知天網設張。以在綱目。囊鑊之魚。期於消爛也。若使水而可恃。則洞庭無三苗之墟。子陽無荆門之敗。朝鮮之壘不刊。南越之旌不拔。昔夫差承闕間之遠跡。用申胥之訓。兵棲越會稽。可謂彊矣。及其抗衡上國。與晉爭長。都城屠於幻踐。武卒散於黃池。終於覆滅。身罄越軍。及吳王濞驕恣。屈彊猖獗。始亂。自以兵彊國富。勢陵京城。太尉帥師。甫下滎陽。則七國之軍。瓦解冰泮。濟之罵言。未絕於口。而丹徒之刃。以陷其胷。何則。天威不可當。而恃逆之罪重也。且江湖之衆。不足恃也。自董卓作亂。以迄於今。將三十載。其間豪傑縱橫。熊

據虎時。強如袁勇。如呂布。跨州連郡。有威有名者。十有餘輩。其餘鋒悍。特起鷓視。狼顧爭爲梟雄者。不可勝數。然皆伏鉄嬰。鉞首。腰分離雲。散原燎罔有孑遺。近者關中諸將。復相合聚。續爲叛亂。阻二華。據河渭。驅率羌胡。齊鋒東向。氣高志遠。似若無敵。丞相秉鉞。鷹揚順風。烈火元戎。啟行未鼓。而破伏尸千萬。流血漂楸。此皆天下所共知也。是後大軍所以臨江而不濟者。以韓約馬超。逋逸進脫。走還涼州。復欲鳴吠。逆賊宋建。僭號河首。同惡相救。並爲唇齒。又鎮南將軍張魯。負固不恭。皆我王誅。所當先加。故且觀兵。旋旆復整。六師長驅西征。致天下誅。偏將涉隴。則建約梟夷。旄首萬里。軍入散關。則羣氏率服。王侯豪帥。奔走前驅。進臨漢中。則陽平不守。十

萬之師。土崩魚爛。張魯遁竄。走入巴中。懷恩悔過。委質還降。巴夷土朴。胡寶邑侯。杜濩各帥種落。共舉巴郡。以奉王職。鉦鼓一動。二方俱定。利盡西海。兵不鈍鋒。若此之事。皆上天威。明社稷神武。非徒人力所能立也。聖朝寬仁。覆載允信。允文大啓。爵命以示四方。魯及胡濩。皆享萬戶之封。魯之五子。各受千室之邑。胡濩子弟。部曲將校。爲列侯將軍以下。千有餘人。百姓安堵。四民反業。而建約之屬。皆爲鯨鯢。超之妻孥。焚首金城。父母嬰孩。覆尸許市。非國家鍾禍於彼。降福於此也。逆順之分。不得不然。夫鷲鳥之擊。先高樓鷲之勢也。牧野之威。孟津之退也。今者枳棘剪打。戎夏以清。萬里肅齊。六師無事。故大舉入師。百萬之衆。與匈奴南單于呼完屈及六郡烏

桓。令屠各涅中。羌樊寔。齊。帝各自壽春而南。又使征西將軍夏侯淵等。率精甲五萬。及武都氏羌巴漢。銳卒。南臨汶江。搃據庸蜀。江夏襄陽諸軍。橫截湘沅。以臨豫章。樓船橫海之師。直指吳會。萬里越期。五道並入。權之期命。於是至矣。丞相銜奉國威。爲人除害。元惡大憝。必當梟夷。至於枝附葉從。皆非詔書所特禽。疾故每破滅。疆敵未嘗不務在先降。後誅。拔將取才。各盡其用。是以立功之士。莫不翹足引領。望風響應。昔袁術僭逆。上誅將加。則廬江太守劉勳先舉。其郡還歸國。家。呂布作亂。帥臨下邳。張遼侯成。率衆出降。還討。駐固薛洪。穆尚開城。就化。官渡之役。則張郃高魚。舉事立功。後討袁尚。則都督將軍馬延。故豫州刺史陰夔。射聲校尉郭昭。臨陣來。

降圍守鄴城則將軍蘇游反爲內應審配兄子開門入兵既
誅袁譚則幽州人將焦觸攻逐袁熙舉縣來服凡此之輩數
百人皆忠壯果烈有智有仁悉與丞相參圖書策折衝討難
芟敵舉旗靜安海內豈輕舉措也哉誠乃人啓其心計深慮
遠審邪正之津明可否之分勇不虛死節不苟立屈伸變化
唯道所存故乃立丘山之功享不訾之祿朝爲仇虜夕爲上
將所謂臨難知變轉禍爲福者也若夫說誘甘言懷寶小惠
泥滯苟且沒而不覺隨波漂流與燦俱滅者亦其衆多吉凶
得失豈不哀哉昔歲軍在漢中東西懸隔合肥遺守不滿五
千權親以數萬之衆破敗奔走今乃欲當禦雷霆難以冀矣
夫天道助順人道助信事上之謂義親親之謂仁盛孝章君

也而權誅之孫輔兄也而權殺之賊義殘仁莫斯爲甚乃神
靈之通罪下民所同讐辜讐之人謂之內賊是故伊摯去夏
不爲傷德飛廉死紂不可謂賢何者去就之道各有宜也丞
相深惟江東舊德名臣多在載籍近魏叔英秀出高時著名
海內虞文繡砥礪清節耽學好古周泰明當世偉彥德行修
明皆宜膺受多福保父子孫而周盛門戶無辜被戮遺類流
離湮沒林莽言之可爲愴然聞魏周榮虞仲翔各紹堂構能
負析薪及吳諸顧陸舊族長者世有高位當報漢德顯祖揚
名又諸將校孫權婚親皆我國家良寶利器而並見驅逐雨
絕於天有斧無柯何以自濟相隨顛沒不亦哀乎蓋鳳鳴高
岡以遠屬羅賢聖之德也鵲鳩之鳥巢於葦菀若折子破下

愚之惑也。今江東之地無異葦荻。諸賢處之信亦危矣。聖朝開弘曠蕩。重惜民命。誅在一人。與衆無忌。故設非常之賞。以待非常之功。乃霸夫烈士奮命之良時也。可不勉乎。若能翻然大舉。建立元勳。以應顯祿。福之上也。如其未能。竿量大小。以存易亡。亦其次也。夫係蹄在足。則猛虎絕。其蹄蝮蛇在手。則壯士斷。其節何則。以其所全者重。以其所棄者輕。若乃乘禍懷寧。迷而忘復。聞大雅之所保。背先賢之去就。忽朝陽之安。甘折若之末。日忘。日以至。覆沒大兵。一放玉石俱碎。雖欲救之。亦無及已。故令往購募爵賞科條如左。檄到詳思。至言如詔律令。

檄蜀文

鍾會

往者漢祚衰微。率土分崩。生民之命。幾於泯滅。我太祖武皇帝。神武聖哲。撥亂反正。拯其將墜。造我區夏。高祖文皇帝。應天順民。受命踐祚。烈祖明皇帝。奕世重光。恢拓洪業。然江山之外。異政殊俗。率土齊民。未蒙王化。此三祖所以顧懷遺志也。今主上聖德欽明。崇隆前緒。宰輔忠肅。明允劬勞。王室布政垂惠。而萬邦協和。施德百蠻。而肅慎致貢。悼彼巴蜀。獨爲隳民。懸此百姓。勞役未已。是以命授六師。冀行天罰。征西雍州鎮西諸軍。五道並進。古之行軍。以仁爲本。以義治之。王者之師。有征無戰。故虞舜舞干戚。而服有苗。周武有散財發廩。表閭之義。今鎮西秦辭。衛命攝統。戎車庶弘。文告之訓。以濟元元之命。非欲窮武極戰。以快朝之志。故略陳安危之要。

其敬聽。語言益州先主以命世英才興兵新野困躡冀徐之
郊制命紹布之手太祖拯而濟之興隆大好中更背違棄同
卽異諸葛孔明仍規秦川姜伯約屢出隴右勞動我邊境侵
擾我氏羌方國家多故未遑修九伐之征也今邊境又清方
內無事蓄力待時併兵一向而巴蜀一州之衆分張守備難
以禦天下之師段谷侯和沮傷之氣難以敵堂堂之陣比年
已來曾無寧歲征夫勤瘁難以當于來之民此皆諸賢所共
親見蜀侯見禽於秦公孫述授首於漢九州之險是非一姓
此皆諸公所備聞也明者見危於無形智者規福於未萌是
以微子去商長爲周宸陳平背項立功於漢豈宴安鳩毒懷
祿而不變哉今國朝隆天覆之恩宰輔弘寬恕之德先惠後

誅奸宄懲殺往者吳將孫壹舉衆內附位爲上司寵殊殊異
文欽唐咨爲國大害叛主讐賊還爲戎首咨固偏禽獲歟此
子還降皆將軍封侯咨豫聞國事壹等窮蹙歸命猶非而寵
况巴蜀賢智見幾而作者哉誠能深鑒成敗邈然高蹈投跡
微子之蹤措身陳平之軌則福同古人慶流來裔百姓士民
安堵樂業農不易畝市不廼肆去累卵之危就永安之計豈
不美與君偷安且夕迷而不反大兵一放玉石俱碎雖欲悔
之亦無及也各具宣布咸使知聞

難蜀父老

司馬相如

漢興七十有八載德茂存乎六世威武紛紜湛恩汪濊羣生
霑濡洋溢乎方外於是乃命使西征隨流而襲風之所被罔

不披靡因朝冉從馳定筆存印略斯輸舉苞蒲結軌還轅東
鄉將報至于蜀都耆者大夫縉紳先生之徒二十有七人儼
然造焉辭畢進曰蓋聞天子之牧夷狄也其義羈縻勿絕而
已今罷三郡之士通夜郎之塗二年於茲而功不竟士卒勞
倦萬民不贖今又接之以西夷百姓力屈恐不能卒業此亦
使者之累也竊爲左右患之且夫叩箠西夷之與中國並也
歷年茲多不可記已仁者不以德來強者不以力并意者其
殆不可乎今割齊民以附夷狄故所持以事無用鄙人固陋
不識所謂使者曰焉謂此乎必若所云則是蜀不變服而已
不化俗也僕常惡聞若說然斯事體大固非觀者之所觀也
余之行急其詳不可得聞已請爲大夫竊陳其略蓋世必有

非常之人然後有非常之事有非常之事然後有非常之功
夫非常者固常人之所異也故曰非常之原黎民懼焉及臻
厥成天下晏如也昔者洪水沸出汎濫衍溢民人升降移徙
崎嶇而不安夏后氏感之乃堙洪塞源決江疏河澆沈滄災
東歸之於海而天下永寧當斯之勤豈惟民哉心煩於慮而
身親其勞躬腠胝無皮膚不生毛故休烈顯乎無窮聲稱決
乎于茲且夫賢君之踐位也豈特委瑣離礙拘文章俗修誦
習傳當世取說云爾哉必將崇論閎議創業垂統爲萬世規
故馳騁乎兼容并包而勤思乎參天貳地且詩不云乎曾天
之下莫非王土率土之濱莫非王臣是以六合之內八方之
外浸淫衍溢懷生之物有不浸潤於澤者賢君軫之今封疆

之內冠帶之倫咸獲嘉祉靡有闕遺矣。而夷狄殊俗之國遠絕異黨之域舟車不通人跡罕至。政教未加流風猶微。內之則犯義侵禮於邊境。外之則邪行橫作放殺其上。君臣易位尊卑失序。父老不幸。幼孤爲奴虜。係縲號泣。內嚮而怨曰。蓋聞中國有至仁焉。德洋恩普。物靡不得其所。今獨曷爲遺已。舉踵思慕若枯旱之望雨。反夫爲之垂涕。况乎上聖又焉能已。故北出師以討彊胡。南馳使以誦勁越。四面風德。一方之君鱗集仰流。願得受號者以億計。故乃闢沫若。徵牂牁。靈山梁孫原。創道德之塗。垂仁義之統。將博恩廣施。遠撫長駕。使疏逖不閉。習爽闇昧。得輝乎光明。以偃甲兵於此。而息討伐於彼。遐邇一體。中外禔福。不亦康乎。夫拯民於沈溺。奉至

尊之休德。反哀世之陵夷。繼周氏之絕業。天子之重務也。百姓雖勞。又惑可以已乎哉。且夫王者固未有不始於憂勤。而終於逸樂者也。然則受命之符合在於此。方將增人山之封。加梁父之事。鳴和鑿。揚樂頌。上減五。下登三。觀者未覩。日繼者未聞。音猶鷓鴣。已翔乎寥廓之宇。而羅者猶視乎藪澤。悲夫。於是諸大夫茫然喪其所懷。來失厥所以進。喟然並稱曰。允哉漢德。此鄙人之所願聞也。百姓雖勞。請以身先之。故因靡徙。遷延而辭退。

對問類

對楚王問

宋玉

楚襄王問於宋玉曰。先生其有遺行與。何士民衆庶不譽之。

其也。宋玉對曰：唯然有之。願大王寬其罪，使得畢其辭。客有歌於郢中者，其始曰：下里巴人，國中屬而和者數千人。其爲陽阿薤露，國中屬而和者數百人。其爲陽春白雪，國中屬而和者數十人。引商刻羽，雜以流徵，國中屬而和者不過數人而已。是其曲彌高，其和彌寡。故鳥有鳳，而魚有鯤。鳳皇上擊九千里，絕雲霓，負蒼天，翔翺乎杳冥之上。夫藩籬之鷄，豈能與之料天地之高哉？鯢魚朝發，暝喻之墟。暴譽於礪石，暮宿於孟諸。夫尺澤之鯢，豈能與之量江海之大哉？故非獨鳥有鳳，而魚有鯢也。士亦有之。夫聖人瑰意琦行，超然獨處，世俗之民，又安知臣之所爲哉？

設難類

答客難

東方朔

客難：東方朔曰：蘇秦張儀，當萬乘之主，而身佩卿相之位，澤及後世。今子大夫修先王之術，慕聖人之義，諷誦詩書，百家之言，不可勝記。著於竹帛，脣腐齒落，服膺而不可釋。好學樂道之效，明白甚矣。自以爲智能海內，無雙則可。謂博聞辯智矣。然悉力盡忠，以事聖帝，曠日持久，積數十年，官不過侍郎，位不過執戟。意者尚有遺行邪？同胞之徒，無所容居，其故何也？東方朔喟然長息仰而應之曰：是故非子之所能備。彼一時也，此一時也。豈可同哉？夫蘇秦張儀之時，周室大壞，諸侯不朝，力政爭權，相槍以兵，并爲一國。未有雌雄得士者，彊失士者亡。故說得行，焉身處尊位，珍寶充內，外有厚倉。

澤及後世子孫長享今則不然聖帝流德天下震懼諸侯賓服威振四夷連四海之外以爲帶安於覆盂天下平均合爲一家動發舉事猶運之掌實與不肖何以異哉邊天之道順地之埋物無不得其所故緩之則安動之則苦尊之則爲將卑之則爲虜抗之則在青雲之上抑之則在深淵之下用之則爲虎不用則爲鼠雖欲盡節效情安知前後夫天地之大士民之衆竭精竭誠金進幅湊者不可勝數悉力慕之困於衣食或失門戶使蘇秦張儀與僕並生於今之世曾不得掌故安敢望侍郎乎傳曰天下無害者雖有聖人無所施才上下和同雖有賢者無所立功故曰時異事異雖然安可以不務修身乎哉詩曰鼓鐘于宮聲聞于外鶴鳴九臯聲聞于天

苟能修身何患不榮太公體行仁義七十有九乃設用於文武得信厥說封於齊七百歲而不絕此士所以日夜孳孳修學敏行而不敢怠也譬若鶴鶴飛且鳴矣傳曰天不爲人之惡寒而輟其冬地不爲人之惡險而輟其廣君子不爲小人之匈匈而易其行天有常度地有常形君子有常行君子道其常小人計其功詩曰禮義之不愆何恤人之言水至清則無魚人至察則無徒冕而前旒所以蔽明黜黷充耳所以塞聰明有所不見聰有所不聞舉大德教小過無求備於人之義也枉而直之使自得之優而柔之使自求之揆而度之使自索之蓋聖人之教化如此欲其自得之自得之則敏且廣矣今世之處士時雖不用塊然無徒廓然獨居上觀許由

下察接輿計同范蠡忠合子胥天下和平與義相扶寡偶少
徒固其宜也。何疑於予哉。若夫燕之用樂毅秦之任李斯
漢用酈食其之下齊說行如流曲從如環所欲必得功若丘
山海內定國家安是遇其時者也。子又何怪之邪。語曰以管
窺天以蠡測海以筵擲鐘豈能通其條貫考其文理發其音
聲哉。猶是觀之。曾山騰龍之襲狗狐豚之咋虎至則靡耳何
功之有。今以下愚而非處上雖欲勿困固不得已。此適足以
明其不知權變而終感於人道也。

解嘲 并序

楊雄

哀帝時卜傳董實。用事諸附離之者。起家至二千石。時雄方
草創太玄。有以自守。泊如也。人有嘲雄以玄之尚白而雄解
之。號曰解嘲。其辭曰。

客嘲楊子曰。吾聞上世之士。人稱人紀。不生則已。生必上尊
人君。下榮父母。析人之姓。備人之爵。懷人之符。分人之祿。紅
青拖紫。朱丹其轂。今吾子幸得遭明盛之世。處不諱之朝。與
羣賢同行。歷金門。上玉堂。有日矣。貧不能畫。一奇出一策。上
說人主。下談公卿。目如耀星。舌如電光。一從一橫。論者莫當。
顧默而作太玄五千文。枝葉扶疎。獨說數十餘萬言。深者入
黃泉。高者出蒼天。大者含元氣。細者入無間。然而位不過侍
郎。權纔給事黃門。意者玄得無尚白乎。何爲官之拓落也。楊
子笑而應之曰。客徒欲朱丹吾轂。不知一跌將赤吾之族也。
往者周網解結。羣鹿爭逸。離爲十二合。爲六七四分五剖。金

爲戰國士無常君國無定臣得士者富失士者貧矯異厲翻
恣意所存故士或自盛以豪或鑿坏以遁是故邪行以頡頏
而取世資孟軻雖連蹇猶爲萬乘師今大漢左東海右渠婁
前番禺後陶塗東南一尉西北一候徼以糾墨製以鎖鉄散
以禮樂風以詩書曠以歲月結以倚廬是以天下之士雷動
雲合魚鱗雜襲咸營于八區家家自以爲稷契人人自以爲
臯陶戴維垂纆而談者皆擬於阿衡五尺童子羞比晏嬰與
夷吾當塗者升青雲失路者委溝渠且握權則爲卿相失
勢則爲匹夫譬若江湖之崖渤海之島衆鳥集不爲之多雙
鳧飛不爲之少晉三仁去而殷墟一老婦而周熾子胥死而
吳亡種蠡存而越霸五穀入而秦喜樂毅出而燕懼范雎以

折摺而危穰侯蔡澤以嚙吟而笑唐舉故當其有事也非蕭
曹子房平勃樊噲則不能安當其無事也章句之徒相與坐
而守之亦無所患故世亂則聖哲馳騁而不足世治則庸夫
高枕而有餘夫上世之士或解縛而相或釋褐而傅或倚夷
門而笑或橫江潭而漁或七十說而不過或立談而封侯或
枉千乘於陋巷或擁篲而先驅是以上頗得信其舌而奮其
筆室隙蹈瑕而無所詘也當今縣令不請士郡守不迎師羣
卿不揖客將相不悅眉言奇者見疑行殊者得辟是以欲談
者卷舌而同聲欲步者擬足而投跡嚮使上世之士處乎今
世策非甲科行非孝廉舉非方正獨可抗疏時道是非高得
待詔下觸聞罷又安得青紫且吾聞之炎炎者滅隆隆者絕

觀雷觀火爲盈爲實。天收其聲，地藏其熱。高明之家，鬼瞰其室。攫擊者亡，默默者存。位極者高危，自守者身全。是故知玄知默，守道之極。爰清爰靜，游神之庭。惟寂惟漠，守德之宅。世異事變，人道不殊。彼我易時，未知何如。今子乃以鳴臯而笑鳳皇，執蠅螟而嘲龜龍，不亦病乎。子之笑我，玄之尚白，吾亦笑子。病甚不遇，命附與扁鵲也。悲夫。客曰：然則靡玄無所成名乎。范蔡以下，何必玄哉。楊子曰：范雎、魏之亡命也。折脇拉脅，免於微索。翕肩蹈背，扶服入家。激叩萬乘之主，介涇陽抵穰侯而代之。當也。蔡澤、山東之匹夫也。領頤折額，涕唾流沫。西指彊秦之相，撻其咽而亢其氣。拊其背而奪其位。時也。天下已定，金革已平。都於洛陽，棄故委輅，脫輓掉三寸之舌，建不拔之策，舉中國徙之長安，適也。五帝垂典，三王傳禮。自世不易，叔孫通起於袒鼓之間，解甲投戈，遂作君臣之儀，得也。呂刑靡敵，秦法階烈，聖漢權制，而蕭何造律，宜也。故有造蕭何律於唐虞之世，則諄矣。有作叔孫通儀於夏殷之時，則惑矣。有建婁敬之策於成周之世，則乖矣。有談范蔡之說於金張許史之間，則狂矣。夫蕭規曹隨，留侯畫策，陳平出奇，功若泰山，嚮若坻隕。雖其人之瞻智，哉亦會其時之可爲也。故爲可爲於可爲之時，則從爲不可爲於不可爲之時，則凶。若夫蘭生收功於章臺，四皓采策於南山，公孫創業於金馬，騾駟發迹於祁連，司馬長卿竊貴於卓氏，東方朔割髮於細君，僕誠不能與此數子並。故默然獨守吾太玄。

答賓盛并序

班固

永平中爲郎典校祕書專篤志於儒學以著述爲業或譏以無功又感東方朔揚雄自喻以不遭蘇張范蔡之時曾不抗之以正道明君子之所守故聊復應焉其辭曰
賓盛主人曰蓋聞聖人有一定之論烈士有不易之分亦云名而已矣故太上有立德其次有立功夫德不得後身而特盛功不得當時而獨彰是以聖哲之治棲棲遑遑孔席不暇墨突不黔由此言之取舍者昔人之上務者作者則烈之餘事耳今吾子幸游帝王之世躬帶綬冕之服浮英華湛道德續龍虎之文舊矣卒不能據首尾奮翼鱗振拔汚塗跨騰風雲使見之者影駭聞之者背戾徒樂枕經籍書紆體衡門上

無所帶下無所根獨據意乎宇宙之外鏡思於毫芒之內潛神默記緬以年歲然而器不賈於當已用不効於一世雖馳辯如濤波摘藻如春華猶無益於殿最也意者且運朝夕之策定合會之計使存有顯號亡有美謚不亦優乎主人道爾而笑曰若賓之言所謂見世利之華闢道德之實守窆與之榮燭未仰天庭而視白日也曩者王塗蕪穢周失其馭侯伯方軌戰國橫驚於是七雄虺鬪分裂諸夏龍戰虎爭游說之徒風颺雷激並起而救之其餘焱飛景附雪煜其間者蓋不可勝載當此之時擗朽磨鈍鈇刀皆能一斷是故魯連飛一矢而蹶千金虞卿以顧盼而捐相印夫啾發投曲感耳之聲合之律度淫蠅而不可聽者非韶夏之樂也因勢合變偶時

之會風移俗易乖迕而不可通者非君子之法也。及至從人
合之。衡人散之。亡命漂說。羈旅騁辭。商鞅扶三術以鑽孝公。
李斯奮時務。而受始皇。彼皆躡風塵之會。履顛沛之勢。據激
乘邪以求。一日之富貴。朝爲榮華。夕爲顛領。福不盈昔。禍益
於世。凶人且以自悔。况吉士而是賴乎。且功不可以虛成名。
不可以僞立。韓設辯以激君。呂行詐以賈國。說難既適。其身
乃囚。秦貨既貴。厥宗亦墜。是以仲尼抗浮雲之志。孟軻養浩
然之氣。彼豈樂爲迂濶哉。道不可以貳也。方今大漢灑掃羣
穢。夷險芟荒。廓帝紘。恢皇綱。基隆於義農。規廣於黃唐。其君
天下也。炎之如日。威之如神。函之如海。養之如春。是以六合
之內。莫不同源。共流。沐浴玄德。稟仰太和。枝附葉著。譬猶草

木之植。山林鳥魚之毓。川澤得氣者蕃。滋失時者零落。參天
地而施化。豈云人事之厚薄哉。今岳子處皇代。而論戰國。雖
所聞而疑所覩。欲從整敦而度。高乎泰山。懷汎濫而測深乎
重淵。亦未至也。賈曰。若夫鞅斯之倫。其周之凶人。既聞命矣。
敢問。上古之士。處身行道。輔世成名。可述於後者。默而已乎。
主人曰。何爲其然也。昔者咎繇謨虞。箕子訪周。言通帝上。謀
合神聖。殷說夢發於傅巖。周望兆動於渭濱。齊寧激聲於康
衢。漢民受書於邳垠。皆俟命而神交。匪詞言之所信。故能建
必然之策。展無窮之勲也。近者陸子優游。新語以興。董生下
帷。發藻儒林。劉向司籍。辨章舊聞。揚雄譚思。法言太玄。皆及
時君之門。闡究先聖之壺奧。婆娑乎術藝之場。休息乎篇籍

之圃以全其質而發其文用納乎聖德烈炳乎後人斯非亞
歟若乃伯夷抗行於首陽柳惠降志而守仕顏淵樂於箪
孔終篇於西狩聲盈塞於天淵真吾徒之師表也且吾聞之
一陰一陽天地之方乃文乃質王道之綱有同有異聖哲之
常故曰慎修所志守爾天符委命供已味道之腴神之聖之
名其舍諸宿又不聞和氏之璧韞於荆石隨侯之珠藏於蚌
蛤乎歷世莫賦不知其將合景曠吐英精曠千載而流光也
應龍潛於潢汙魚龜媒之不覩其能奮靈德合風雲超忽荒
而躐昊蒼也故夫泥蟠而天飛者應龍之神也先賤而後貴
者和隨之珍也時暗而久章者君子之真也若乃才曠清耳
於管絃離曼眇目於毫分逢蒙絕技於弧矢般輸推巧於斧

斤良樂收能於相馭烏獲抗力於千鈞和鵠發精於鉞石研
桑心計於無垠走亦不在厠技於彼列故密爾自娛於斯文
辭類

秋風辭并序

漢武帝

上行幸河東祠后土顧視帝京欣然中流與羣臣飲燕上歡
甚乃自作秋風辭曰

秋風起兮白雲飛草木黃落兮鴈南歸蘭有秀兮菊有芳携
佳人兮不能忘泛樓船兮濟汾河橫中流兮揚素波蕭鼓鳴
兮發棹歌歡樂極兮哀情多少壯幾時兮奈老何

歸去來辭

陶潛

歸去來兮田園將蕪胡不歸既自以心爲形役奚惆悵而獨

悲悟已往之不諫，知來者之可追。寔迷塗其未遠，覺今是而昨非。舟遙遙以輕颺，風飄飄而吹衣。問征夫以前路，恨晨光之熒微。乃瞻衡宇，載欣載奔。僮僕歡迎，稚子候門。三徑就荒，松菊猶存。携幼入室，有酒盈樽。引壺觴以自酌，眴庭柯以怡顏。倚南窗以寄傲，審容膝之易安。園日涉以成趣，門雖設而常關。策扶老以流憩，時矯首而遐觀。雲無心以出岫，鳥倦飛而知還。景翳翳以將入，撫孤松而盤桓。歸去來兮，請息交以絕游。世與我而相遺，復駕言兮焉求。悅親戚之情，話樂琴書以消憂。農人告余以春及，將有事乎西疇。或命巾車，或棹孤舟。既窈窕以尋壑，亦崎嶇而經丘。木欣欣以向榮，泉涓涓而始流。善萬物之得時，感吾生之行休。已矣乎！寓形宇內復幾時，曷不委心任去留？胡為遑遑欲何之？富貴非吾願，帝鄉不可期。懷良辰以孤往，或植杖而耘耔。登東臯以舒嘯，臨清流而賦詩。聊乘化以歸盡，樂夫天命復奚疑。

序類

毛詩序

十有

關雎后妃之德也。風之始也。所以風化天下而正夫婦也。故用之鄉人焉。用之邦國焉。風風也。教也。風以動之。教以化之。詩者志之所之也。在心為志。發言為詩。情動於中而形於言。言之不足。故嗟歎之。嗟歎之不足。故永歌之。永歌之不足。不知手之舞之。足之蹈之也。情發於聲。聲成文。謂之音。治世之音安以樂。其政和。亂世之音怨以怒。其政乖。亡國之音哀以

思其民困故正得失動天地感鬼神莫近於詩先王以是經
夫婦成孝敬厚人倫美教化移風俗故詩有六義焉一曰風
二曰賦三曰比四曰興五曰雅六曰頌上以風化下下以風
刺上王文而譎諫言之者無罪聞之者足以自成故曰風至
于王道衰禮義廢政教失國異政家殊俗而變風變雅作矣
國史明乎得失之跡傷人倫之廢哀刑政之苛吟詠情性以
風其上達於事變而懷其舊俗者也故變風發乎情止乎禮
義發乎情民之性也止乎禮義先王之澤也是以一國之事
繫一人之本謂之風言天下之事形四方之風謂之雅雅者
正也言王政之所由廢興也政有小大故有小雅焉有大雅
焉頌者美盛德之形容以其成功告於神明者也是謂四始
詩之至也然則關雎麟趾之化王者之風繫之周公南言化
自北而南也鵲巢鸛虞之德諸侯之風也先王之所以教故
繫之召公周南召南正始之道王化之基是以關雎樂得淑
女以配君子憂在進賢不淫其色哀窈窕思賢才而無傷善
之心焉是關雎之義也

尚書序

孔安國

古者伏羲氏之王天下也始書八卦造書契以代結繩之政
由是文籍生焉伏羲神農黃帝之書謂之二墳言大道也少
昊顓頊高辛唐虞之書謂之五典言常道也至于夏商周之
書雖設教不倫雅誥與義其歸一揆是故歷代寶之以為大
訓八卦之說謂之八索求其義也九州之志謂之九丘丘聚

也。言九州所有土地所生風氣所宜皆聚此書也。春秋左氏傳曰：楚左史倚相能讀三墳五典八索九丘，卽謂上世帝王遺書也。先君孔子生於周末，觀史籍之煩文，懼覽之者不一，遂乃定禮樂，明舊章，刪詩爲三百篇，約史記而脩春秋，讚易道以黜八索，述職方以除九丘，討論墳典，斷自唐虞以下，訖于周。芟夷煩亂，翦截浮辭，舉其宏綱，撮其機要，足以再世立教，典謨訓誥誓命之文，凡百篇，所以恢弘至道，小人主以執範也。帝王之制，坦然明白，可舉而行，三千之徒，並受其義。及秦始皇滅先代典籍，焚書坑儒，天下學士逃難解散，我先人用藏其家書于屋壁。漢室龍興，開設學校，旁求儒雅，以闡大猷。濟南伏生年過九十，失其本經，口以傳授，裁一餘篇，以

其上古之書，謂之尚書，百篇之義，世莫得聞。至魯共王好治宮室，壞孔子舊宅，以廣其居，於壁中得先人所藏古文。虞夏商周之書及傳論語孝經，皆科斗文字，又升孔子堂，聞金石絲竹之音，乃不壞宅，悉以書還孔氏，科斗書廢已久，時人無能知者，以所聞伏生之書考論文義，定其可知者爲隸古，定更以竹簡寫之，增多伏生二十五篇。伏生又以舜典合於堯典，益稷合於皋陶謨，盤庚三篇合爲一篇，康王之誥合於顧命，復出此篇并序凡五十九篇，爲四十六卷，其餘錯亂摩滅，弗可復知，悉上送官藏之。書府以待能者，承認爲五十九篇，作傳於是，遂所精覃，思博考經籍，采摭羣言，以立訓傳，約文申義，敷暢厥旨，庶幾有補於將來書序，所以爲作者之意。

昭然。義見宜相附。迨故引之。各冠其篇首。定五十八篇。既畢。會國有少。蠱事經籍道。忌用不復。以聞傳之。子孫以貽後世。若好古博雅君子。與我曰。志亦所不隱也。

春秋左氏傳序

杜預

春秋者。魯史記之名也。記事者。以事繫日。以日繫月。以月繫時。以時繫年。所以紀遠近。別同異也。故史之所記。必表年。以首事。年有四時。故錯舉。以爲所記之名也。周禮有史官。掌邦國四方之事。達四方之志。諸侯亦各有國史。大事書之於策。小事簡牘而已。孟子曰。楚謂之檮杌。晉謂之乘。而魯謂之春秋。其實一也。韓宣子適魯。見易象與魯春秋。曰。周禮盡在魯矣。吾乃今知周公之德。與周之所以王。韓子所見。蓋周之舊

典禮經也。周德既衰。官失其守。上之人不能使春秋昭明。赴告策書。諸所記。汙多違舊章。仲尼因魯史策書。戒文考其真。僞而志其典禮。上以遵周公之遺制。下以明將來之法。其教之所存。文之所害。則刊而正之。以示勸戒。其餘則皆卽用舊史。史有文質。辭有詳略。不必改也。故傳曰。其善志。又曰。非聖人孰能修之。蓋周公之志。仲尼從而明之。左丘明受經於仲尼。以爲經者。不刊之書也。故傳或先經。以始事。或後經。以終義。或依經。以辯理。或錯經。以合異。隨義而發。其例之所重。舊史遺文。略不盡舉。非聖人所修之要。故也。身爲國史。躬覽載籍。必廣記而備言之。其文緩。其旨遠。將令學者原始要終。尋其枝葉。究其所窮。優而柔之。使自求之。賡而飭之。使自勉之。

若江海之浸膏澤之潤渙然水釋怡然理順然後爲得也其發凡以言例皆經國之常制周公之垂法史書之舊章仲尼從而修之以成一經之通體其微顯闡幽裁成義類者皆據舊例而發義指行事以正褒貶諸稱書不書先書故書不言不稱書曰之類皆所以起新舊發大義謂之變例然亦有史所不書卽以爲義者此蓋春秋新意故傳不言凡曲而暢之也其經無義例因行事而言則傳直言其歸趣而已非例也故發傳之體有三而爲例之情有五一曰微而顯文見於此而義起於彼稱族尊君命舍族尊夫人梁亡城緣陵之類是也二曰志而晦約言示制推以知例參會不地與謀曰及之類是也三曰婉而成章曲從義訓以示大順諸所諱辟虛假

評山之類是也四曰盡而不汙直書其事具文見意丹楛刻桷天王求車齊侯獻捷之類是也五曰懲惡而勸善求名而亡欲蓋而章書齊豹盜三叛人名之類是也推此五體以尋經傳觸類而長之附于二百四十二年行事王道之止人倫之紀備矣或曰春秋以錯文見義若此所論則經當有事同文異而無其義也先儒所傳皆不其然答曰春秋雖以一字爲褒貶然皆須數句以成言非如八卦之爻可錯綜爲六十四也固當依傳以爲斷古今言左氏春秋者多矣今其遺文可見者十數家大體轉相祖述進不成爲錯綜經文以盡其變退不守丘明之傳於丘明之傳有所不通皆沒而不說而更庸引公羊穀梁適足自亂預今所以爲異專修丘明之傳

以釋經。經之條貫必出於傳。傳之義例總歸諸凡。推變例以止。後貶簡二傳而去異端。蓋丘明之志也。其有疑錯則備論而闕之。以俟後賢。然劉子駿創通大義。賈景伯父子許惠卿皆先儒之美者也。未有穎子嚴者。雖淺近亦復名家。故特舉劉賈許穎之違。以見同異。分經之年。與傳之年相附。比其義類。各隨而解之。名曰經傳集解。又別集諸例及地名譜第歷數。相與爲部。凡四十部十五卷。皆顯其異同。從而釋之。名曰釋例。將令學者觀其所聚異同之說。釋例詳之也。或曰春秋之作。左傳及穀梁無明文。說者以爲仲尼自衛反魯。脩春秋立素王。丘明爲素臣。言公羊者亦云黜周而王魯。危行言孫。以避當時之害。故微其文。隱其義。公羊經止獲麟。而左氏經終孔子卒。取問所安。答曰。其乎。余所聞仲尼曰。文王既沒。文不在茲乎。此制作之本意也。歎曰。鳳鳥不至。河不出圖。吾已矣夫。蓋傷時王之政也。麟鳳五靈。王者之嘉瑞也。今麟出非其時。虛其應而失其歸。此聖人所以爲感也。絕筆於獲麟之。一句者。所感而起。固所以爲終也。口然則春秋何始。於魯隱公。答曰。周平王東周之始王也。隱公讓國之賢君也。考乎其時。則相接言乎其位。則列國本乎其始。則周公之祚胤也。若平王能祈天永命。紹開中典。隱公能弘宣祖業。光啓王室。則西周之美可尋。文武之迹不墜。是故因其歷數。附其行事。采周之舊。以會成王義。垂法將來。所書之王。卽平王也。所用之歷。卽周正也。所稱之公。卽魯隱也。安在其黜周而王魯乎。子

曰如有用我者吾其爲東周乎此其義也若夫制作之文所以章往考來情見乎辭言高則旨遠辭約則義微此理之常非隱之也聖人包周身之防既作之後方復隱諱以避患非所聞也子路欲使門人爲臣孔子以爲欺入而云仲尼素王丘明素臣又非通論也先儒以爲制作三年文成致麟既已妖妄又引經以至仲尼卒亦又近誣據公羊經止獲麟而左氏小邾射亦不在三叛之數故余以爲感麟而作作起獲麟則文止於所起爲得其實至於反袂拭面稱吾道窮亦無取焉

三都賦序

皇甫謐

玄晏先生曰古人稱不歌而頌謂之賦然則賦也者所以因物造端敷弘體理欲人不能加也引而伸之故文必極美觸類而長之故辭必盡麗然則美麗之文賦之作也昔之爲文者非苟尚辭而已將以紐之上教本乎勸戒也自夏殷以前其文隱沒靡得而詳焉周監二代文質之體百世可知故孔子采萬國之風正雅頌之名集而謂之詩詩人之作雜有賦體子夏序詩曰一曰風二曰賦故知賦者古詩之流也至于戰國士道陵遲風雅寢頽於是賢人失志詞賦作焉是以劉卿屈原之屬遺文炳然辭義可觀存其所感咸有古詩之意皆因文以寄其心託理以全其制賦之首也及宋玉之徒淫文放發言過于實誇競之興體失之漸風雅之則於是乎乎逮漢賈誼頌節之以禮自時厥後綴文之士不率典言並務

恢張其文博誕空類人者學天地之表細者人毫纖之內雖
克車聯駟不足以載廣廈接榘不容以居也其中高者至如
相如士林楊雄甘泉班固兩都張衡一京馬融廣成王生靈
光初極宏侈之辭終以約簡之制煥乎有文蔚爾鱗集皆近
代辭賦之偉也若夫土有常產俗有舊風方以類聚物以羣
分而長卿之儔過以非方之物寄以中域虛張異類託有於
無祖構之士雷同影附流宕忘反非一時也曩者漢室內潰
四海北裂孫劉二氏割有交益魏武撥亂擁據兩夏故作者
先爲吳蜀二客盛稱其本土險阻壤埒可以偏土而却爲魏
主述其都畿弘敞豐麗奄有諸華之意言吳蜀以擒滅比亡
國而魏氏以交禪比專虞既已著逆順且以爲器成蓋蜀包
梁岷之資吳割荆南之富魏跨中區之衍考分次之多少計
殖物之衆寡比風俗之清濁課士人之優劣亦不可同年而
語矣二國之士各沐浴所聞家自以爲我土樂人自以爲我
民良皆非通方之論也作者又因客主之辭正之以魏都折
之以王道其物土所出可得披圖而校體國經制可得按記
而驗豈誣也哉

思歸引序

石崇

余少有大志夸邁流俗弱冠登朝歷位二十五年五十以事
去官晚節更樂放逸篤好林藪遂肥遯於河陽別業其制宅
也卻阻長隄前臨清渠栢木幾於萬株流水周於舍下有觀
闌池沼多養鳥魚家素習技頗有秦趙之聲出則以游日七

釣爲事入則有琴書之娛又好服食咽氣志在不朽傲然有
凌雲之操茲復見牽羈婆娑於九列困於人間煩黷常思歸
而永歎尋覽樂篇有思歸引儻古人之情有同於今故制此
曲此曲有絃無歌今爲作歌辭以述余懷恨時無知音者今
造新聲而播於絲竹也

豪士賦序

陸機

夫立德之基有常而建功之路不一何則循心以爲量者存
乎我因物以成務者繫乎彼存夫我者隆殺止乎其域繫乎
物者豐約唯所遭遇落葉候微風以隕而風之力蓋寡孟嘗
遭雍門而泣琴之感以末何者欲隕之葉無所假烈風將墜
之泣不足繁衰響也是故苟時啓於天理盡於民庸夫可以

濟聖賢之功斗筲可以定烈士之業言遇時也故曰才不半
古而功已倍之蓋得之於時勢也歷觀古今徵一時之功而
居伊周之位者有矣夫我之自我智士猶嬰其累物之相物
昆蟲皆有此情夫以自我之量而挾非常之勳神器暉其顧
盼萬物隨其俯仰心玩居常之安耳飽從諛之說豈識乎功
在身外任出才表者哉且好榮惡辱有生之所大期忌盈害
上鬼神猶且不免人主操其常柄天下服其大節故曰天可
警乎而時有袪服荷戟立乎廟門之下援旗誓衆奮於阡陌
之上况乎代主制命自下裁物者哉廣樹恩不足以敵怨勤
與利不足以補害故曰代大匠斲者必傷其手且夫政由寡
氏忠臣所爲慷慨祭則寡人人主所不久堪是以君衷鞅鞅

不悅公且之舉。高平師師側目。博陸之勢而成。王不遣嫌吝於懷。宣帝若負芒刺於背。非其然者與。嗟乎。光于四表。德莫富焉。王曰。叔父親莫昵焉。登帝天位。功莫厚焉。守節沒齒。忠莫至焉。而傾側顛沛。僅而自全。則伊生抱明允以嬰。戮文子懷忠敬而齒。劔固其所也。因斯以言。夫以篤聖穆親如彼之懿。大德至忠如此之盛。尚不能取信於人主之懷。止誦於家多之口。過此以往。惡覩其可安危之理。斷可識矣。又况乎饗大名。以冒道家之忌。運短才。而易聖哲所難者哉。身危由於勢過。而不知去勢以求安。禍積起於寵盛。而不知辭寵以招福。見百姓之謀已。則申宮警守。以崇不畜之威。懼萬民之不服。則嚴刑峻制。以買傷心之怨。然後威窮乎震主。而怨行乎

上下。衆心日侈。危機將發。而方偃仰瞪眈。謂足以夸世笑古。人之未忘已事之已。拙知曩勳之可矜。暗成敗之有會。是以事窮運盡。必於顛仆。風起塵合。而禍至常酷也。聖人忌功名之過已。惡寵祿之踰量。蓋爲此也。夫惡欲之大端。賢愚所共。有而游于狗高位於生前。志士思垂名於身後。受生之分。唯此而已。夫蓋世之業。名莫大焉。震主之勢。位莫盛焉。率意無違。欲莫順焉。借使伊人頗覽天道。知盡不可益。盈難久持。超然自引。高揖而退。則巍巍之盛。仰逸前賢。洋洋之風。俯冠來籍。而大欲不乏於身。至樂無怨乎傳節。彌效而德彌廣。身愈逸而名愈劭。此之不爲彼之必昧。然後河海之跡。埋爲窮流。一貫之釁。積成山岳。名編凶頑之條。身厭荼毒之痛。豈不

謬哉故聊賦焉庶使百世少有寤云

三月三日曲水詩序

顏延之

夫方策既載皇王之迹已殊鐘石畢陳舞詠之情不一雖淵流遂往詳略異聞然其宅天衷立民極莫不崇尚其道神明其位拓世貽統固萬葉而爲量者也。有宋函夏帝國弘遠高祖以聖武定鼎規同造物皇上以敷文承歷景屬宸居隆周之卜既永宗漢之兆在焉。正體毓德於少陽王宰宜哲於元輔啓緯昭應山瀆效靈五方雜遘四輿來暨選賢建戚則擇之茂典施命發號必酌之於故實人子協樂上庠肆教章程明密品式周備國容賦令而動軍政象物而具箴闕記言校文講藝之官采遺於內轡車朱軒懷荒振遠之使論德于外

頽莖素蠶非柯共穗之瑞史不絕書棧山航海踰沙軼漠之貢府無虛月烈燧干城通驛萬里穹居之君內首京州卉服之苗迺面受更是以異人慕響俊民間出警蹕清夷表裏悅穆將徙縣中宇張樂侂郊增類帝之宮飾禮神之館塗歌邑誦以望屬車之塵者久矣日躔胃維月軌青陸皇祇發生之始后王布和之辰思對上靈之心以惠庶萌之願加以二王于邁出餞戒告有詔掌故爰命司歷獻洛飲之禮具上巳之儀南除輦道北清禁林左關巖墜右梁潮源略亭臯跨芝廬苑太液懷魯山松石峻崦蔥翠陰烟游泳之所攢萃翔驟之所往還於是離宮設衛別殿周徹旌門洞立延帷接栢闕水環階引池分席春官聯事蒼靈奉塗然後升秘駕胤緹騎搖

玉鑿發流吹天動神移淵旋雲被以降于行所禮也既而帝
輝臨幄百司定列鳳蓋俄軫虹旗委旆有藪芬藉觴罍泛浮
妍歌妙舞之容銜組樹羽之器三奏四上之調六韋九成之
曲競氣繁聲合變爭節龍文飾轡青翰侍御華喬殿平觀聽
鶯集揚袂風山舉袖陰澤靚裝藻野私服緝川故以殷賑外
區煥衍都內者矣上膺萬壽下稔百福而筵烹和闔堂依德
情盤景遽歡洽日斜金駕總駟聖儀載行悵鈞臺之未臨慨
鄩宮之不縣方且排鳳闕以高游開爵園而廣宴並命在位
展詩發志則夫誦美有章陳信無愧者歎

三月三日曲水詩序

王融

臣聞出豫爲象銷天之樂張焉時乘既位御氣之駕翔焉是
以得一奉宸逍遙襄城之城體元則人悵望姑射之阿然官
眇寂寥其獨適者已至如夏后兩龍載驅璿臺之上穆滿八
駿始舞瑤水之陰亦有饗云固不與萬民共也我人齊之握
機創歷誕命建家按禮貳宮考庸太室幽明獻期雷風迴變
昭華之珍旣徙延喜之玉攸歸革宋受天保生萬國度邑辨
鹿丘之歎遷鼎息大垆之慙紹清和於帝猷聯顯懿於土表
駿發開其遠祥定爾固其洪業皇帝體膺上聖運鍾下武冠
五行之秀氣邁三代之英風昭章雲漢曄麗日月半籠大地
彈壓山川設神理以景俗敷文化以柔遠澤普汎而無私法
含弘而不殺猶且具明廢寢是畧忘餐念負重於春冰懷御
奔於秋駕可謂巍巍弗與蕩蕩誰名秉靈圖而非秦涉孟門

其何險儲后睿哲在躬妙善居質內積和順外發英華冷藻
至德琢磨令範言炳丹青道潤金壁出龍樓而問豎入虎闥
而齒青愛敬盡於一人光耀究於四海若夫族茂麟趾宗固
盤石跨躡昌姬韜軼炎漢元宰比肩於尚父中鉉繼踵乎周
南分陝流勿翦之歡來仕允克施之譽莫不如珪如璋令問
令望朱弗斯皇室家君王者也本枝之盛如此稽古之政如
彼用能免羣生於湯火納百姓於休和草萊樂業守屏稱事
引鏡皆明目臨池無沈耳沈寔之怨旣缺過軸之疾已消典
廉舉孝歲貢於外府署行議年日夕于中甸協律總章之司
序倫正俗崇文成均之職導德齊禮華壺宣夜辨氣朔於靈
臺書多珥彤紀言事於仙室寒帷斷裳危冠空履之吏影搖

武猛扛鼎揭旗之士勤恤民隱糾迷下愚射集隼於高墉繳
大風於長隧不仁者遠惟道斯行讒莠茂聞穢爭掩息稱鳴
梓於砥路鞠茂草於圓扉者年闕市井之游雅齒豐車馬之
好宮隣昭泰荒憬清夷侮食來王左言入侍離身反踵之君
髮首貫胸之長屈膝厥角請受纓席文銀碧帑之琛奇幹善
芳之賦純牛露人之玩乘黃茲白之馴盈衍儲邸克叙郊處
輒膺相尋鞮譯無曠尉候於西東合車書於南北暢數理
轉麟之轍綬旌卷悠悠之旆四方無拂五戎不即假華辭軒
銷金罷刃天瑞降地符升澤馬來器車出紫脫華朱英秀依
枝植歷草滋雲潤星暉風揚月至江海呈象龜龍載文方握
河沈璧封山紀石遺三五而不追踐八九之遙迹功旣成矣

世既貞矣信可以優游暇豫作樂崇德者歟于時青鳥司開
條風發歲粵上斯已惟暮之春同律克和樹草自樂稷飲之
日在茲風舞之情咸蕩去肅表平時訓行慶動於天賜載懷
平圃乃瞻芳林芳林園者福地奧區之湊丹陵若水之舊殷
殷均乎姚澤靡靡尚於周原狹豐邑之未宏陋燕居之猶稱
求中和而經處撥景緯以裁基飛觀神行虛檐雲構離房乍
設層樓間起負朝陽而抗殿踴靈沼而浮榮鏡文虹於綺疏
浸蘭泉於玉砌幽幽叢薄秩秩斯干曲拂連廻潏潏徑復新
泝泛泚華桐發咄雜天采千柔黃亂嬰聲於綿羽禁軒承幸
清宮候宴提帷宿置杏幕宵懸既而滅宿澄霞登光辨色戒
道執爰展輪效駕徐鑿警飾明鐘暢音七萃連鑣九旂齊軌

建旗拂幌揚葭振木魚甲煙聚貝肯星羅重英曲蟻之飾絕
景追風之騎昭灼甄部駟駿兩列虎視龍超雷駭電逝轟轟
隱隱紛紛軫軫光難得而稱計爾乃迴輿駐罕岳鎮淵渟睟
容有穆寶儀式序授几肆筵因流波而成次蕙肴芳醴任激
水而推移葆佾陳階金匏在席賦奏翹舞簫動邪詩召鳴鳥
于介州追伶倫於嶰谷發參差於玉子傳妙靡於帝江正歌
有闕羽觴無筭上陳景福之賜卜獻南山之壽信凱謠之在
藻知和樂於食苹桑榆之陰不居草露之滋方渥有詔日今
日嘉會咸可賦詩凡四十有五人其辭云爾

王文憲集序

任昉

公諱儉字仲寶琅邪臨沂人也其先自秦至宋國史家諱詳

焉。晉中興以來。六世名德。爲海內冠冕。古語云。仁人之利天下。道運行。故呂虔歸其佩刀。郭璞誓以淮水。若翻薊之止。殺吉駿之誠。感蓋有助焉。公之生也。誕授命世。體三才之茂。典踐得一之庶。幾信乃昂。宿垂聖德。精降禮有。于此蔚爲帝師。况乃淵角殊祥。山庭異表。望衢罕窺其術。觀海莫際其瀾。宏覽載籍。博遊才義。若乃金版玉匱之書。海上名山之旨。沈鬱澹雅之思。離堅合異之談。莫不總制清衷。通爲心極。斯固通人之所包。非虛明之絕境。不可窮者。其唯神用者乎。然檢鏡所歸。人倫異表。雲屋天構。匠者何工。自函洛不守。憲章中輟。賀生達禮之宗。蔡公儒林之亞。闕典未補。人備茲日。至若齒危髮秀之老。含經味道之生。莫不北面人宗。自同資敬。性託夷遠。少屏塵雜。自非可以弘獎風流。增益標勝。未嘗留心也。期歲而孤。叔父司空簡穆公。早所器異。年始志學。家門禮訓。皆折衷於公。孝友之性。豈伊橋梓。夷雅之體。無待章茲。汝郁之幼。挺淳至。黃琬之早。標聰察。曾何足尚。年八歲。襲封豫寧侯。拜日。家人以公尚幼。弗之先告。既襲珪組。對揚王命。因便感咽。若不自勝。初宋明帝居蕃。與公母武康公主素不協。及卽位。有詔。毀發舊塋。捐柩。公以死。因請誓不遵奉。表啓酸切。義感人神。太宗聞而悲之。遂無以奪也。初拜秘書郎。遷太子舍人。以選尚公主。拜駙馬都尉。元徽初。遷祕書丞。於是宋公曾之中。經刊弘度之四部。依劉歆七略。史撰七志。益嘗賦詩云。稷契匡虞。夏伊呂。冀商周。自是始有應務之迹。生民

屬心矣。時司徒袁粲有高世之度。脫然塵俗。見公弱齡便望。風推服歎曰。衣冠禮樂盡在是矣。時粲位亞台司。公年始弱冠。年勢不作。公與之抗禮。因贈粲詩。要以歲暮之期。申以止足之戒。粲答詩云。老夫亦何寄之子。照清襟。服闋拜司徒右長史。出爲義興太守。風化之美。表誅爲最。還除給事黃門侍郎。旬日遷尚書吏部郎。參選昔毛玠之清公。李重之識會。兼之者公也。俄遷侍中。以愍侯始終之職。固辭不拜。補太尉右長史。時聖武定業。肇基王命。新霖風雲。寔資人傑。是以宸居膺列宿之表。圖緯著王佐之符。俄遷左長史。齊臺旣建。以公爲尚書右僕射。領吏部。時年二十八。宋末艱虞。百王澆季。禮紊舊宗。樂傾恒軌。自朝章國紀。典變備物。奏議符策。支辭表

記素意。所不蓄。前古所未行。皆取定。俄頃神無滯用。太祖受命。以佐命之功。封南昌縣開國公。食邑二千戶。建元二年。遷尚書左僕射。領選如故。自管部分司。盧欽兼掌。譽望所歸。允集茲日。尋表解選。詔加侍中。又授太子詹事。侍中僕射如故。固辭侍中。改授散騎常侍。餘如故。太祖崩。遺詔以公爲侍中。尚書令鎮軍將軍。永明元年。進號衛將軍。一年。以本官領丹陽尹。六輔殊風。五方異俗。公不謀聲訓。而楚夏移情。故能使解劔拜仇。歸田息訟。前郡尹溫太真。劉真長。或功銘鼎彝。或德標素尚。臭味風雲。千載無爽。親加甲祭。表薦孤道。遠協神期。用彰世祀。時簡穆公薨。以撫養之恩。特深恒慕。表求解職。有詔不許。國學初興。華夷慕義。經師人表。尤茲望實。復官領

國子祭酒。三年解丹陽尹。領太子少傅。餘悉如故。挂服捐軀。前良取則。臥轍棄子。後予晉愆。皇太子不矜天姿。俯同人範。師友之義。穆若金蘭。又領本州。大中正。頃之解職。四年。以本號開府儀同三司。餘悉如故。謙光愈遠。大典未申。六年。又申前命。七年。固辭。遷任。帝所重。建詔加中書監。猶參掌選事。長輿追專車之恨。公會甘鳳池之失。夫奔競之塗。有自來矣。以難知之性。協易失之情。必使無訟事。深弘誘公提衡。惟允紀于茲。拔奇取異。與微繼絕。望側階而容賢。候景風而式典。春秋三十有八。七年五月三日。薨于建康官舍。皇朝軫惻。儲鉉傷情。有識銜悲。行路掩泣。豈直春者不相。一女寢機而已哉。故痛深衣冠。悲纏教義。豈非功深砥礪。道邁舟航。沒世遺

愛古之益友。追贈大尉侍中。中書監。如故。給節。加羽葆鼓吹。增璫劔。爲六士人。謚曰文憲。禮也。公在物斯厚。居身以約。玩好絕於耳目。布素表於造次。室無姬妾。門多長者。立言必雅。未嘗顯其所長。持論從容。未嘗言人所短。弘長風流。許與氣類。雖單門後進。必加善誘。勗以丹青之價。弘以青冥之期。公銓品人倫。各盡其用。居厚者不矜其多。處薄者不怨其少。窮涯而反。盈量知歸。皇朝以治定制。禮功成作樂。思我民譽。緝熙帝圖。雖張曹爭論於漢朝。苟擊說爽於晉世。無以仰模淵旨。取則後昆。每荒服請罪。遠夷慕義。宜威授指。實寄宏略。理積則神無忤。往事感則悅情斯來。無是已之心。事隔於容。罕愛憎之情。理絕於毀譽。造理常若。以干臨事。每不可奪。終

已不以廉物弘量不以容非攻乎異端歸之正義公生自華
宗世務簡隔至於軍國遠圖刑政大典既道在廊廟則理擅
民宗若乃明練庶務鑒達治體懸然人得不謀成心求之載
籍翰牘所未紀訊之遺老耳目所不接至若文案自環主者
百數皆深文爲吏積習成如畜筆削之刑懷輕重之意公乘
理照物動必研幾當時嗟服若有神道豈非希世之儔民珮
璣之宏器昉行無異操才無異能得本名節之將一紀一言
之譽東陵侔於西山而之榮鄭璞踰於周寶士感知已懷
此何極出入禮闈朝夕舊館瞻棟宇而興慕撫身名而悼思
公自幼及長述作不倦固以理窮言行事該軍國豈直彫章
壽采而已哉若乃統體必善綴賞無地雖楚趙羣才漢魏衆
作曾何足矣昉嘗以筆札見知思以薄技效德是用綴緝遺
文永貽世範爲如十卷所撰古今集記今書七志爲一家之
言不列于集集錄如左

頌類

聖主得賢臣頌

士褒

夫荷旃被毳者難與道純綿之麗密羹藜啜糗者不足與論
太牢之滋味今臣僻在西蜀生於窮巷之中長於蓬茨之下
無有游觀廣覽之知顧有至愚極陋之累不足以塞厚望應
明旨雖然敢不略陳愚心而抒情素記曰恭惟春秋法五始
之要在乎審已正統而已夫賢者國家之器用也所在賢則
趨舍省而功施普器用利則用力少而就效衆故工人之用

鈍器也。勞筋苦骨，終日矻矻，及至巧冶鑄于將之堯，清水淬其鋒，越砥飲其銛，水斷蛟龍，陸刺犀革，忽若筆灑，畫塗如此，則使離婁督繩，公輸削墨，雖崇臺五層，延袤百丈，而不溷者，工用相得也。庸人之御駑馬，亦傷吻弊策，而不進於行，胸喘膚汗，人極馬倦，及至駕齧膝，驟乘日，王良執靶，韓哀附輿，縱騁馳驚，忽如影靡，過都越國，厥如歷塊，追奔電逐，遺風周流，入極萬里，息何其遼哉！人馬相得也。故服締緼之涼者，不苦盛暑之鬱燠；襲狐貉之煖者，不憂至寒之悽愴。何則？有其具者，易其備；賢人君子，亦聖王之所以易海內也。是以嘔喻受之，開寬裕之路，以延天下之英俊也。夫竭智附賢者，必建仁策；索人求士者，必樹伯迹。昔周公躬吐握之勞，故有圖空之隆；齊桓設庭燎之禮，故有匡合之功。由此觀之，君人者，勤於求賢，而逸於得人，人臣亦然。昔賢者之未遭遇也，圖事揆策，則君不用其謀；陳見惻誠，則上不然其信。進仕不得施效，斥逐又非其愆，是故伊尹勤於鼎俎，太公困於鼓刀，百里自鬻，甯子飯牛，離此患也。及其遇明君，遭聖主也，運籌合上意，諫諍則見聽，進退得關，其忠任職得行，其術去卑辱，與漂而升，本朝離蔬釋躄，而享膏粱，剖符錫壤，而光祖考，傳之于孫，以資說士。故世必有聖智之君，而後有賢明之臣。虎嘯而谷風冽，龍興而致雲氣，蟋蟀俟秋吟，蟬嘯出以陰。易曰：飛龍在天，利見大人。詩曰：思皇多士，生此王國。故世平主聖，俊乂將自至。若堯舜禹湯文武之君，獲稷契皋陶伊尹呂望之臣，明

明在朝。穆穆列布。聚精會神。相得益章。雖伯牙操。蓬蓬門
子。鸞鳥號。猶未足以喻其意也。故聖主必待賢臣。而弘功業。
俊士亦俟明主。以顯其德。上下俱欲。懽然交欣。千載會論。
說無疑翼乎。如鴻毛遇順風。沛乎若巨魚縱大壑。其得意如
此。則胡禁不止。曷令不行。化溢四表。橫被無窮。遐夷貢獻。萬
祥必臻。是以聖主不徧窺望。而視已明。不殫傾耳。而聽已聰。
恩從祥風。翔德與和氣游。太平之貴塞。優游之望得。遵游自
然之勢。恬淡無爲之場。休徵自至。壽考無疆。雍容垂拱。永永
萬年。何必僂仰。誠信若彭祖。煦嗷呼吸。如喬松。眇然絕俗。離
世哉。詩曰。濟濟多士。文王以寧。蓋信乎。其以寧也。

趙克國頌

楊雄

明靈惟宣。戎有先零。先零猖狂。侵漢西疆。漢命虎臣。惟後將
軍。整我六師。是討是震。旣臨其域。諭以威德。有守於功。謂之
弗克。請奮其旅。于罕之羌。天子命我。從之鮮陽。營不守節。屢
奏封章。料敵制勝。威謀靡亢。遂克西戎。還師于京。鬼方賓服。
罔有不庭。昔周之宣。有方有虎。詩人歌功。乃列于雅。在漢中
興。克國作武。赴赴桓桓。亦紹厥後。

出師頌

史岑

茫茫上天。降祚有漢。兆基開業。人神攸贊。五驩宵映。素靈夜
歎。皇運來投。萬寶增煥。歷紀十二。天命中易。西零不順。東夷
遭逆。乃命上將。授以雄戟。桓桓上將。寔天所啓。允文允武。明
詩悅禮。憲章百揆。爲世作楷。昔在孟津。惟師尚父。素旄麾

及還山以...
渾區宇蒼生更始朔風變律薄伐獫狁至于太原詩人歌
之猶歎其艱况我將軍窮域極邊鼓無停響旗不蹙寒澤霑
遐荒功銘鼎鉉我出我師于彼西疆天子餞我路車乘黃言
念伯舅恩深渭陽介珪既削列髮酬勲令我將軍啓土上郡
傳子傳孫顯顯令問

酒德頌

劉伶

有人人先生以天地爲一朝萬期爲須臾日月爲肩膊八荒
爲庭衢行無轍跡居無室廬慕天席地縱意所如止則操卮
執觚動則茅楹提壺唯酒是務焉知其餘有貴介公子搢紳
處士聞吾風聲議其所以乃會袂攘襟怒目切齒陳說禮法
是非鋒起先生於是方揀甕承槽荷杯漱醪奮髯踉蹌枕麴

藉糟無思無慮其樂陶陶兀然而醉豁爾而醒靜聽不聞雷
庭之聲熟視不視泰山之形不覺寒暑之切肌利欲之感情
俯觀萬物擾擾焉如江漢之載浮萍二豪侍側焉如螺贏之
與螟蛉

漢高帝功臣頌

陸機

相國鄭文終侯沛蕭何相國平陽懿侯沛曹參太子少傅留
丈成侯韓張良丞相曲逆獻侯陽武陳平楚王淮陰韓信梁
王昌彭越淮南王六黥布趙景王大梁張耳韓王韓信燕王
豐盧縮長沙文王吳芮荆王沛劉賈太傅安國懿侯王陵左
丞相絳武侯沛周勃相國舞陽侯沛樊噲右丞相曲周景侯
高陽酈商太僕汝陰文侯沛夏侯嬰丞相穎陰懿侯睢陽灌

嬰代丞相陽陵景侯魏傅寬車騎將軍信武肅侯斬欽大行
廣野君高陽鄭食其中郎建信侯齊劉敬太中大夫楚陸賈
太子太傅穰嗣君薛叔孫通魏無知護軍中尉隨何新成三
老董公轅生將軍紀信御史大夫沛周苛平國君侯公右三
十一人與定天下安社稷者也頌曰

芒芒宇宙上珍下贖波振四海塵飛五岳九服徘徊三靈改
赫矣高祖肇戴天祿沈跡中鄉飛名帝錄慶雲應輝皇階
授木龍興泗濱虎嘯豐谷彤雲晝聚素靈夜哭金精仍頽朱
光以渥萬邦宅心駿民效足堂堂蕭公王跡是因綢繆散后
無競惟人外濟六師內撫秦拔奇夷難邁德振民體國垂
制上穆下親名益羣后是謂宗臣平陽樂道在變則通爰淵

爰嘒有此武功長驅河朔電擊壤東協策淮陰亞跡蕭公文
成作帥通幽洞冥永言配命因心則靈窮神觀化望影揣情
鬼無隱謀物無遁形武關是闢鴻門是寧隨難榮陽印謀下
邑銷印基廢推齊勸立運籌固陵定策東襲三王從風五侯
允集霸楚實茂皇漢凱入怡顏高覽弭翼鳳戢託跡黃老辭
世卻粒曲逆宏達好謀能深游精杳漠神跡是尋重玄匪奧
九地匪沈伐謀先兆擠譽千音奇謀六奮嘉慮四廻規主於
足離項于懷格人乃謝楚翼定推韓王窘執胡馬洞開迎文
以謀哭高以哀灼灼淮陰靈武冠世策出無方思入神契奮
膺雲興騰跡虎噬陵險必夷摧剛則脆肇謀漢濱還定渭表
京索既扼引師北討濟河夷魏登山滅趙威亮火烈勢踰風

掃拾代如遺。偃齊猶草。二州肅清。四邦咸舉。乃眷北燕。遂表
東海。克滅龍且。爰取其旅。劉項應命。人謀是與。念功惟德。辭
通絕楚。彭越觀時。毀迹匿光。人具爾瞻。真爾鷹揚。威凌楚域。
質委漢王。靖難河濟。卽宮舊梁。烈烈黜布。眈眈其眚。名冠疆
楚。鋒猶駭電。視幾蟬蛻。悟主革面。肇彼梟風。翻爲我扇。天命
方輯。王在東夏。矯矯三雄。至于城下。元凶旣夷。龍祿來假。保
大全祚。非德孰可。謀之不臧。舍福取禍。張且之賢。有聲梁魏。
士也罔極。自詭伊媿。俯思舊恩。仰察五緯。脫跡遺難。披榛來
洎。改策西秦。報辱北冀。悴榮更輝。枯條以肄。王信韓孽。宅土
開疆。我圖爾才。越遷晉陽。盧縮自微。婉孌我阜。跨功踰德。祚
爾輝章。人之貪禍。寧爲亂亡。吳芮之王。亦由梅鋗。功微勢弱。

世載忠賢。肅肅荆王。董我王軍。我圖四方。殷薦其勳。庸親作
勞。舊楚是分。往踐厥宇。人啓淮濱。安國遠親。悠悠我思。依依
哲母。旣明且慈。引身伏劔。永言固之。淑人君子。實邦之基。義
形於色。憤發于辭。主上與上。木命是期。絳侯質木。多略寡言。
魯是忠勇。惟帝攸歎。雲鶩靈丘。景逸上蘭。平代會稽。奄有燕
韓。寧亂以武。斃呂以權。滌穢紫宮。徵帝太原。實惟太尉。劉宗
以安。拔功震主。自古所難。勳耀上代。身終下藩。舞陽道迎。足
帝幽歎。宣力王室。匪惟厥武。總干鴻門。披闥帝宇。聳顏誦項。
掩淚寤主。曲周之進。于其哲兄。仲率爾徒。從王于征。振威龍
脫。據武墉城。六師寔因。克荼會黜。猗歟汝陰。縉紳有裕。戎軒
肇跡。荷策來附。馬煩繆殆。不釋擁樹。皇儲時乂。平城有謀。賴

陰銳敏屢爲軍鋒奮戈東城會項定功乘風藉響高步長江
收吳引淮光啓于東陽陵之勲元師是承信武薄伐揚節江
陵夷王殄國俾亂作懲慨慨廣野誣節令圖進場嘉謀退守
名都東規白馬北距飛狐卽倉敖庾據險三塗輜輳東踐漢
風載祖身死于齊非說之辜我皇定念言祚爾孤建信委輅
被褐獻寶指明周漢銓時論道移帝伊洛定都鄴鎬乘遠鎮
邇定敬攸考抑抑陸生知言之貫往制勁越來訪皇漢附會
平勃夷凶翦亂所謂伊人邦家之彥百王之極舊章靡存漢
德雖朗朝儀則昏稷嗣制禮下肅上尊穆穆帝典煥其盈門
風靡三代憲流後昆無知獻敏獨昭奇跡察侔蕭相况同師
錫隨何辯達因資於敵紆漢披楚唯生之績皤皤重叟謀我

平陰三軍編素天下歸心哀生秀朗沈心善照漢旆南振楚
威自撓大略淵回元功響效邈哉惟人何識之妙紀信誦項
輟軒是乘攝齋赴節用死孰懲身與煙消名與風興周苛慷
愾心若懷冰形可以暴志不可凌貞軌借沒亮跡雙升帝疇
爾庸後嗣是膺天地雖順王心有違懷親望楚永言長悲候
公伏軾皇媪來歸是謂平國寵命有輝震風過物清濁效響
大人于興利在攸往弘海若川崇山惟壤韶護鑽音袞龍比
象明明衆哲同濟天網劔宣其利鑿獻其朗文武四克漢祚
克廣悠悠遐風千載是仰

贊類

東方朔畫像贊 并序

夏侯湛

大夫諱朔字曼倩平原厭次人也。魏建安中分厭次以爲樂陵郡。故又爲郡人焉。事漢武帝。漢書具載其事。先生瓌璋博達。思周變通。以爲濁世不可以富貴也。故薄游以取位。苟出不可以直道也。故頽頽以傲世。傲世不可以再訓也。故正諫以明節。明節不可以久安也。故詠諧以取容。潔其道而穢其跡。清其質而濁其文。弛張而不爲邪。進退而不離羣。若乃遠心曠度。瞻智宏材。個儻博物。綱類多能。合變以明筭。幽贊以知來。自三墳五典。八索九丘。陰陽圖緯之學。百家衆流之論。周給敏捷之辯。支離覆逆之數。經脉藥石之藝。射御書計之術。乃研精而究其理。不習而盡其功。經目而飄於口。過耳而聞於心。夫其明濟開豁。包含弘大。陵轍卿相。調啜豪傑。籠罩

靡前。踰籍貴勢。出不休顯。賤不憂戚。歲萬乘若。察友視儔。列如草芥。雄節邁倫。高氣蓋世。可謂拔乎其萃。游方之外者已。談者又以先生嘘吸冲和。吐故納新。蟬蛻龍變。棄俗登仙。神交造化。靈爲星辰。此又奇怪恍惚。不可備論者也。大人來守此國。僕自京都言歸。定省親先生之縣邑。想先生之高風。徘徊路寢。見先生之遺像。逍遙城郭。觀先生之祠宇。慨然有懷。乃作頌焉。其辭曰。矯矯先生。肥遯居貞。退不終否。進亦避榮。處世濯足。希古振纓。涅而無滓。既濁能清。無滓伊何。高明克柔。能清伊何。視汙若浮。樂在必行。處儉罔憂。跨世凌時。遠蹈獨游。瞻羊往代。爰想遐蹤。邈邈先生。其道猶龍。染迹朝隱。和而不同。栖遲下位。

聊以從容。我來自東。言適茲邑。椒問墟墳。企佇原隰。墟墓徒存。精靈永戢。民思其軌。祠宇斯立。徘徊寺寢。遺像在圖。周旋祠宇。庭序荒蕪。椽棟傾落。草萊弗除。肅肅先生。豈焉是居。是居弗形。悠悠我情。昔在有德。罔不遺靈。天秩有禮。神監孔明。彷彿風塵。用垂頌聲。

二國名臣序贊

袁宏

夫百姓不能自治。故立君以治之。明君不能獨治。則爲臣以佐之。然則三五迭隆。歷世承基。揖讓之與干戈。文德之與武功。莫不宗匠陶鈞。而羣才緝熙。元首經略。而股肱肆力。雖遭離不同。且跡有優劣。至於體分冥固。道契不墜。風美所扇。訓章千載。其揆一也。故二八升而唐朝盛。伊呂用而湯武寧。三

賢進而小白興。五臣顯而重耳霸。中古陵遲。斯道替矣。居上者不以至公。理物爲下者必以私路。期榮御國者不以信誠。率衆執方者必以權謀。自顯於是。君臣離而名教薄。世多亂而時不治。故蓬甯以之。卷舒柳下以之。三黜接輿以之。行歌魯連以之。赴海袁世之中。保持明節。君臣相體。若合符契。則燕昭樂毅。古之流也。夫未遇伯樂。則千載無一驥。時值龍顏。則當年控三傑。漢之得材於斯。爲貴高祖。雖不以道勝。御物奉下。得盡其忠。蕭曹雖不以三代事。主百姓不失其業。靜亂庶人抑亦其次。夫時方顛沛。則顯不如隱。萬物思治。則默不如語。是以古之君子。不患弘道難遭。時難遭。時不難遇。君難故有道無時。孟子所以咨嗟。有時無君。賈生所以垂泣。夫萬

歲一期有生之通塗。千載一遇。賢智之嘉會。遇之不能無欣。喪之何能無慨。古人之言。信有情哉。余以暇日常覽國志者。其君臣比其行事。雖道謝先代。亦異世一時也。文若懷獨見之明。而有救世之心。論時則民方塗炭。計能則莫出魏武。故委面霸朝。豫議世事。舉才不以標鑒。故久之而後顯。義畫不以要功。故事至而後定。雖亡身明願。識亦高矣。董卓之亂。神畚遷逼。公達慨然志在致命。由斯而談。故以大存名節。至如身為漢隸。而跡入魏幕。源流趣舍。其亦文若之謂。所以存亡殊致。始終不同。將以文若既明名教。有寄乎夫仁義不可不明。則時宗舉其致。生理不可不全。故達識攝其契。相與弘道。豈不遠哉。崔生高明折而不撓。所以策名魏武。執笏霸朝者。

蓋以漢主當陽。魏后北面者。哉若乃。且進重君臣易位。則崔子所不與。魏武所不容。夫江湖所以濟舟。舟亦所以覆舟。仁義所以全身。亦所以亡身。然而先賢玉摧於前來。哲懷袂於後。豈非天懷發中。而名教束物者乎。孔明盤桓俟時。而動遐想。管樂遠明風流。治國以禮。民無怨聲。刑罰不濫。沒有餘泣。雖古之遺愛。何以加茲。及其臨終。顧託受遺。作相。劉后授之。無疑心。武侯處之。無懼色。繼體納之。無貳情。百姓信之。無異辭。君臣之際。良可詠矣。公瑾卓爾。逸志不羣。總角料主。則素契於伯符。晚節罹奇。則參分於赤壁。惜其齡促。志未可量。子布佐策。致延譽之美。輟哭。止哀。有翼戴之功。神情所涉。豈徒寒悞而已哉。然而杜門不用。登壇受議。夫一人之身。所照未

異而用舍之間俄有不同。况沈跡溝壑。遇與不遇者乎。夫詩
頌之作。有自來矣。或以吟詠情性。或以述德顯功。雖大旨同。
歸所託。或乖若夫。出處有道。名體不滯。風軌德音。爲世作範。
不可廢也。故復撰序。所懷以爲之讚。魏志九人。蜀志四人。
吳志七人。荀彧字文若。諸葛亮字孔明。周瑜字公瑾。荀攸字
公達。龐統字士元。張昭字子布。表渙字曜卿。蔣琬字公琰。魯
肅字子敬。崔琰字季珪。黃權字公衡。諸葛瑾字子瑜。徐邈字
景山。陸遜字伯言。陳羣字長文。顧雍字元歎。夏侯玄字泰初。
虞翻字仲翔。七經字承宗。陳泰字玄伯。人德旣微。運繼大過。
洪颺扇海。浪揚波。虬虎雖驚。風雲未和。潛魚擇淵。高鳥候
柯。赫赫三雄。並迴乾軸。競收杞梓。爭采松竹。鳳不及栖。龍不

暇。伏谷無幽。蘭嶺無亭。菊英。英文若。靈鑿洞照。應變知微。探
蹟賞嬰。日月在躬。隱之彌曜。文明映心。鑽之愈妙。滄海橫流。
玉石同碎。達人兼善。登已存愛。謀解時紛。功濟宇內。始救生
人。終明風舉。公達潛朗。思同著蔡。運用無方。動攝羣會。爰初
發跡。遵此顛沛。神情玄定。處之彌泰。愔愔慕裏。筭無不經。登
聲通韻。跡不暫停。雖懷尺璧。顧西連城。智能拯物。愚足全生。
郎中溫雅。器識純素。貞而不諫。通而能固。恂恂德心。汪汪軌
度。志成弱冠。道敷歲暮。仁者必勇。德亦有言。雖遇履虎。神氣
恬然。行不脩飾。名跡無愆。操不激切。素風愈鮮。邈哉崔牛。體
正心直。天骨疎朗。猶宇高爽。忠存軌跡。義形風色。思樹芳蘭。
翦除荆棘。人惡其上。時不容哲。琅琅先生。雅杖名節。雖遇塵

霧猶振霜雪。運極道消。碎此明月。景山恢誕。韻與道合。形器
不存。方寸海納。和而不同。通而不雜。遇醉忘辭。在醒聆答。長
文通雅。義格終始。思戴元首。擬伊同耻。民未知德。懼若在已。
嘉謀肆庭。讜言盈耳。玉生雖麗。光不踰把。德積雖微。道映天
下。淵哉泰初。宇量高雅。器範自然。標準無假。全身由直。跡冷
必僞。處死匪難。理存則易。萬物波蕩。孰任其累。六合徒廣。容
身靡寄。君親自然。匪由名教。敬愛既同。情禮兼到。烈烈王生。
知死不撓。求仁不遠。期在忠孝。玄伯剛簡。大存名體。志在高
構。增堂及陛。端委虎門。正言彌啓。臨危致命。盡其心禮。堂堂
孔明。基宇宏邈。器同生民。獨稟先覺。標勝風流。遠明管樂。初
九龍盤雅志。彌確百六道喪。干戈迭用。苟非命世。孰掃氛霧。

宗子思寧。薄言解控。釋褐中林。鬱爲時棟。上元弘長。雅性內
融。崇善愛物。觀始知終。喪亂備矣。勝塗未隆。先生標之。振起
清風。綢繆哲后。無妄惟時。夙夜匪懈。義在緝熙。三略既陳。霸
業已基。公琰植根。不忘中正。豈曰模擬。實在雅性。亦旣羈勒。
負荷時命。推賢恭已。久而可敬。公衡冲達。秉心淵塞。媚茲一
人。臨難不惑。疇昔不造。假亂鄰國。進能徽音。退不失德。六合
紛紜。民心將變。鳥擇高梧。臣須顧眄。公擘英達。朗心獨見。披
草求君。定交一面。桓桓魏武。外託霸跡。志掩衡霍。恃載志敵。
卓卓若人。曜奇赤壁。三光參分。宇宙暫隔。子布擅名。遭世方
擾。撫翼桑梓。息肩江表。王略威夷。吳魏同寶。遂獻宏謨。匡此
霸道。桓王之薨。大業未純。把臂託孤。惟賢與親。輟哭止哀。臨

難忘身成此南面寔由老臣才爲世出世亦須才得而能任
貴在無猜昂昂子傲拔跡草萊荷擔吐奇乃構雲臺十喻都
長體性純懿諫而不犯正而不毅將命公庭退忘私位豈無
鶴鳴固慎名器伯言蹇蹇以道佐世出能勤功入能獻替謀
寧社稷解紛粹銳正以招疑忠而獲兵元歎穆遠神和形檢
如彼白珪質無塵玷立上以恒匡上以漸清不增潔濁不加
染仲翔高亮性不和物好是不羣折而不屈屢摧逆鱗直道
受黜歎過孫陽放同賈屈詵詵衆賢千載一遇整轡高衢驥
首天路仰挹玄流俯弘時務名節殊途雅致同趣日月麗天
瞻之不墜仁義在躬用之不匱尚想遐風載挹載味後生擊
節懦夫增氣

符命類

封禪文

司馬相如

伊上古之初肇自昊穹之生民歷選列辟以迄於秦率邇者
踵武逖聽者風聲紛綸歲蕤湮滅而不稱者不可勝數也繼
昭夏崇號謚略可道者七十有二君罔若叔而不昌疇逆失
而能存軒轅之前遐哉邈乎其詳不可得聞已五三六經載
籍之傳維風可觀也書曰元首明哉股肱良哉因斯以談君
莫盛於唐堯臣莫賢於后稷后稷創業於唐堯公劉發跡於
西戎文王改制爰周邛隆大行越成而後陵遲衰微千載上
聲豈不善始善終哉然無異端慎所由於前謹遺教於後耳
故軌跡夷易易遵也湛恩龐鴻易豐也憲度著明易則也垂

統理順易繼也是以業隆於極祿而崇冠於后揆厥所元
終都攸卒未有殊尤絕跡可考於今者也然猶躡梁父登秦
山建顯號施尊名大漢之德逢湧原泉沕滴曼美旁鬼四塞
雲布霞散上暢九域下泝八埏懷生之類霑濡浸潤協氣橫
流武節焱逝通陔游原遐澗泳沫首惡鬱沒晦味昭晰昆蟲
閭澤回首面內然後囿騶虞之珍羣徵麋鹿之恆獸巢一壘
六穗於庖犧雙貉共柢之獸獲周餘珍放龜於岐招翠黃乘
龍於沼鬼神接靈囿賓於間館奇物譎詭傲儻窮變欽哉符
瑞臻茲猶以爲德薄不敢道封禪蓋周躍魚隕航休之以燎
徵夫斯之爲符也以登介丘不亦慙乎進讓之道何其爽歟
於是大司馬進曰陛下仁育羣生義征不譟諸夏樂貢百蠻

執費德作往初功無與休烈泱泱符瑞衆變應期紹至不
特創見意者泰山梁甫設壇場望幸益號以况策上帝垂恩
儲祉將以慶成陛下謙讓而弗發也羣三神之歡缺王道之
儀羣臣慙焉或謂且天爲質闇示珍符固不可辭若然辭之
是泰山靡記而梁父罔幾也亦各並時而榮咸濟厥世而屈
說者尚何稱於後而云七十二君哉夫脩德以錫符奉命以
行事不爲進越也故聖王不替而脩禮地祇謁款天神勅功
中嶽以章至尊舒盛德發號榮受厚福以浸黎元皇皇哉斯
事天下之壯觀王者之丕業不可貶也願陛下全之而後因
雜摺紳先生之略術使獲耀日月之末光絕炎以展案錯事
猶兼正列其義被飾厥文作春秋一藝將襲舊六爲七據之

無窮俾萬世得激清流揚微波飛英聲騰茂實前聖所以永保鴻名而常爲稱首者用此宜命掌故悉奏其儀而覽焉於是天子沛然改容曰俞乎朕其試哉乃遷思迴慮總公卿之議詢封禪之事詩大澤之博廣符瑞之富遂作頌曰自我天覆雲之油油甘露時雨厥壤可游滋液滂漉何生不育嘉穀六穗我稽曷蓄非唯雨之又潤澤之非唯徧之我汎布護之萬物熙熙懷而慕思名山顯位望君之來君乎君乎侯不邁哉般般之獸樂我君圃白質黑章其儀可嘉收收穆穆君子之態蓋聞其聲今親其來厥塗靡從天瑞之徵茲亦於舜虞氏以興濯濯之麟游彼靈時孟冬十月君徂郊祀馳我君輿帝用享禮三代之前蓋未嘗有宛宛黃龍興德而升采色炫燿煥炳輝煌正陽顯見覺悟黎蒸於傳載之云受命所乘厥之有章不必諱諱依類託寓喻以封禪披藝觀之天人之際已交上下相發允答聖王之德兢兢翼翼故曰於典必慮衰安必思危是以湯武至尊嚴不失肅祇舜在假典顧省闕遺此之謂也

劇秦美新并序

楊雄

諸吏中散大夫臣雄稽首再拜上封事皇帝陛下臣雄經術淺薄行能無異數蒙渥恩拔擢倫比與羣賢並位愧無以稱職臣伏惟陛下至聖之德龍興登庸欽明尚古作民父母爲天下主執粹清之道鏡照四海聽聆風俗博覽廣包參天貳地兼並神明配五帝冠三王開闢已來未之聞也臣誠樂昭

著新德光之罔極。往時司馬相如作封禪文一篇以彰漢氏之休。臣嘗有顛胸病恐一日先大馬填溝壑。所懷不章。長恨黃泉。敢竭肝膽。寫腹心。作劇秦美新一篇。雖未究萬分之一。亦臣之極思也。臣雄豬首再拜以聞。曰

權與天地未社。唯唯盱盱。或玄而萌。或黃而牙。玄黃剖判。上下相嘔。爰初生民。帝王始存。在乎混混茫茫。汙濁之時。釁開竿漫而不昭。察世莫得而云也。厥有云者。一罔顯於義皇中。莫盛於唐虞。邇靡著於成周。仲尼不遭。用春秋因斯發言。神明所祚兆民。所託罔不云道德仁義禮智。獨秦崛起。西戎邠荒。岐雍之疆。因襲文宣。靈之僭跡。立基孝公。茂惠文奮。昭莊至政。破從擅衡。并吞六國。遂稱乎始皇。盛從鞅儀。韋斯之邪政。馳

驚起。窮恬貞之用兵。刻滅古文。刻語燒書。弛禮崩樂。塗民耳目。遂欲流唐。漂虞。滌殷。蕩周。難除仲尼之篇籍。自勦功業。改制度。軌量咸稽之於秦。紀是以耆儒碩老。抱其書而遠。逐禮官博士。卷其舌而不談。來儀之鳥。肉角之獸。狙獫而不臻。昔靈嘉禮。景曜浸渾之瑞。潛大弗經。實巨狄鬼信之妖。發神歎離已。夫能貞而明之者。窮祥瑞回而昧之者。極妖愆。上覽古在昔。有憑應而尚缺焉。壞徹而能全。故若古者。稱堯舜成。德者。陷桀紂。況盡汎掃前聖。數千載功業。專用已之私。而能享祜者。哉。會漢祖龍騰。豐沛奮汎。宛葉自武關。與項羽戮力。咸陽創業。蜀漢發跡。三秦克項。山東而帝天下。掩秦政。修禮尤

煩者應時而蠲如儒林刑辟歷紀圖典之用稍增焉秦餘制
度項氏爵號雖違古而猶襲之是以帝典闕而不補上綱孔
而未張道極數殫聞忽不還逮至大新受命上帝還資后土
顧懷玄符靈契黃瑞涌出溁渤沕滿川流海濤雲動風偃霧
集雨散誕彌八圻上陳天庭震聲日景炎光飛響盈塞天淵
之間必有不可辭讓二爾於是乃奉若天命窮龍極崇與天
剖神符地合靈契創億兆規萬世奇偉倜儻誦詭大祭地事
其異物殊性存乎五威將帥班乎天下四十有八章登假皇
穹鋪衍下土非新家其鳴離之卓哉煌煌真天子之表也若
夫白鳩丹鳥素魚斷地方斯蔑矣受命甚易格來甚勤昔帝
纘皇王纘帝隨前踵古或無爲而治或損益而一豈如新室

委心積意儲思再務旁作穆穆明且也不寐勤勤懇懇者非
秦之爲與夫不勤勤則前人不當不懇懇則覺德不愷是以
發祕府覽書林遙集乎文雅之囿翱翔乎禮樂之場胤殷周
之失業紹唐虞之絕風懿律嘉量金科玉條神卦靈兆古文
畢發炳煥照耀靡不宣臻式軫軒旂以示之揚和鸞肆夏
以節之施黼黻袞冕以昭之正嫁娶送終以尊之親九族淑
賢以穆之夫改定神祇上儀也欽脩百祀咸秩也明堂雍臺
壯觀也九廟長壽極孝也制成六經洪業也北懷單于廣德
也若復五爵度三壤經井田免人役方甫刑巨馬法恢崇祇
庸燦德懿和之風廣彼指紳講習言諫箴誦遠塗振鸞之聲
充庭鴻鸞之黨漸階仰前聖之緇布漫流衍而不緇續郁郁

乎。煥哉。大人之事。盛矣。鬼神之望。允塞。羣公先正。罔不夷儀。嘉宥寇賊。罔不振威。紹少典之苗。著黃虞之裔。帝典闕者。已補。玉綱弛者。已張。炳炳麟麟。豈不懿哉。厥被風。濡化者。京師。沈潛。甸內。而洽。侯衛。厲揭。要荒。濯沐。而術。前典。巡。四民。迄。四。獄。增。封。泰山。廣。禪。梁甫。斯。受。命。者。之。典。業。也。蓋。受。命。日。不。暇。給。或。不。受。命。然。猶。有。事。矣。况。堂。堂。有。新。正。丁。厥。時。崇。嶽。滄。海。通。瀆。之。神。咸。設。壇。場。望。受。命。之。球。焉。海。外。遐。方。信。延。頸。企。踵。圓。面。內。嚮。喁。喁。如。也。帝。者。雖。勤。讓。惡。可。以。已。乎。宜。命。賢。哲。作。帝。典。篇。奮。一。爲。一。鑿。以。示。來。人。摘。之。罔。極。令。萬。世。常。戴。魏。履。栗。栗。臭。聲。香。含。甘。實。鏡。純粹。之。至。精。聆。清。和。之。正。聲。則。百。工。伊。凝。庶。績。越。熙。荷。天。衢。提。地。釐。斯。天。下。之。上。則。已。庶。可。

試哉

典引

班固

臣固言永平十七年。臣與賈逵傳毅杜矩。展隆。郁甫等。召詣雲龍門。小黃門趙宜持秦始皇帝本紀問。臣等曰。太史遷下贊語中。寧有非耶。臣等對曰。此贊賈誼過秦篇言。向使子嬰有庸主之才。僅得中佐。秦之社稷未宜絕也。此言非是。即召臣入問。本聞此論非耶。將見問意開寤耶。臣具對。素聞知狀。詔因曰。司馬遷著書成一家言。揚名後世。至以身陷刑之故。反徵文刺譏。貶損當世。非誼士也。司馬相如。涉行無節。但有浮華之詞。不周於用。至於疾病而遺忠。主上求取其書。竟得頌述功德。言封禪事。忠臣效也。至是賢遷遠矣。臣固常伏刺。

誦聖論昭明好惡不遺細微緣事斷謚動有規矩雖仲尼之
因史見意亦無以加臣固被學最舊受恩最深誠思畢力竭
情昊天罔極臣固頓首伏惟相如封禪靡而不典揚雄美新
典而無實然皆游揚後世垂爲舊式臣固才朽不及前人蓋
詠雲門者難爲音觀隨和者難爲珍不勝區區竊作典引
篇雖不足雍容明盛萬分之一猶樂啓發憤懣覺悟童蒙光
揚大漢軼聲前代然後退入溝壑死而不朽臣固愚懇頓首
頓首曰太極之元兩儀始分烟烟熅熅有沈而臭有浮而清
沈浮交錯庶類混成肇命民主五德初起同於草昧玄混之
中踰繩越契寂寥而上詔者系不得而綴也厥有氏號紹天
圖繹莫不開元於太昊皇初之首上哉莫乎其書猶可得而

脩也世斯之世通變神化幽光而未曜若夫上稽乾則降承
龍翼而炳諸典謨以冠德卓絕者莫崇乎陶唐陶唐舍胤而
禪有虞有虞亦命夏后稷契熙載越成湯武股肱既周天運
歸功元首將授漢劉俾其承三季之荒末值元龍之災孽慈
象闇而恒文垂爽倫數而舊章缺故先命玄聖使綴學立制
宏亮洪業表相祖宗贊揚迪哲備茂繁爛真聖明之式雖皇
夔衡日密勿之輔比茲褊矣是以高光聖宸居其域時主
氣動乃龍見淵躍拊翼而未舉則威靈紛紜海內雲蒸雷動
電燦胡繇紆分尚不泚其誅然後欽若上下恭揖羣后正位
度宗有于德不台淵穆之讓靡號師矢敦奮揚之容益以膺
當天之正統受克讓之歸運蓋炎天之烈精蘊孔佐之弘陳

云爾洋洋乎若德帝者之上。儀諸誓所不及。已鋪觀二代洪
織之度。其曠可探也。並開述於。贊同受侯甸之服。奕世勳
民以方伯統牧。乘其命賜彤弧黃鉞之威。用討韋顧。象崇之
不恪。至于參伍華夏。京遷鎬亳。遂自北而虎。螭其師。革滅天
邑。是故誼士華而不敦。武稱未盡。護有慙德。不其然與。亦猶
於穆猗那。翕純嘏。繹以崇嚴。祖考殷薦宗。配帝發祥。流慶對
越。天地者。鳥乎千載。豈不克自神明哉。誕略。有常審言行。
於篇籍。光藻朗而不渝。耳矧夫赫赫聖漢。巍巍唐基。泝溯其
源。乃先孕虞育夏。甄股陶周。然後官。祖之重光。襲四宗之
緝熙。神靈日照。光被六幽。仁風翔乎海表。威靈行乎鬼區。應
亡回而不泯。微胡瑣而不厭。故夫顯定三才。昭登之績。匪堯

不興。鋪聞遺策。在下之訓。匪漢不弘。厥道至於經緯。乾坤出
入。二光外運。渾元內露。毫芒性類。循理品物。咸亨其已久矣。
盛哉皇家帝世。德臣列辟。功君百王。榮鏡宇宙。尊亡與。凡乃
始。度鞏勞謙。兢兢業業。取成抑定。不敢論制作。至於遷正。黜
色。賓監之事。渙揚寓內。而禮官儒林。屯用篤誨之。不傳祖
宗之。多。雖云優慎。無乃。於。是。事。高。牧。之。寮。僉。爾。而
進。曰。陛下仰監唐典。中述祖則。俯。宗。軌。躬。奉。天。經。惇。睦。辨
章之化。洽。巡。靖。黎。蒸。懷。保。解。寡。之。惠。浹。燔。瘞。懸。沈。肅。祇。羣。神
之禮備。是以來儀集羽族。於觀魏肉角。馴毛宗。於外圍。授。緇
文。皓。質。於。郊。升。黃。輝。采。鱗。於。沼。甘露宵零。於豐草。三足軒翥。
於茂樹。若乃嘉穀靈草。奇獸神禽。應圖合。謀。窮。祥。極。瑞。者。朝

夕坳牧日月邦畿卓犖乎方州洋濫乎要荒昔周姬有素維
朱鳥玄秬黃蓼之事乎君臣動色左右相趨濟濟翼翼我峩
如也蓋用昭明寅畏承事懷之福亦以寵靈文武貽燕後昆
覆以懿鑠豈其爲身而有顯辭也若然受之亦宜勤恁旅力
以克厥道啓恭館之金滕御東序之秘寶以流其占夫圖書
亮章天哲也孔繇先命聖乎也體行德本正性也逢吉丁辰
景命也順命以劍制因定以和神答三靈之蕃祉展放唐之
明文茲事體大而允寤寐次於心瞻前顧後豈蔑清廟俾勅
天命也伊考自遠古乃降辰爰茲作者七十有四人有不俾
而假素罔光度而遺章今其如合而獨闕也是時聖上固以
垂精游神苞舉藝文屢訪羣儒諭咨故老與之斟酌道德之

淵源館嚴仁義之林藪以望元符之臻焉既感羣后之讜辭
又悉經五繇之碩慮矣將緝萬嗣揚洪輝奮景炎扇遺風播
芳烈久而愈新用而不竭汪汪乎丕天之大理其疇能且之
哉唐哉皇哉皇哉唐哉

文選正文卷之十

終